



بِسْمِ اللَّهِ الرَّحْمَنِ الرَّحِيمِ

Бугуннинг гапи

Усмонхон АЛИМОВ,
Ўзбекистон мусулмонлари
идораси раиси, муфтий

ҲАЖИНГИЗ МАБРУР БЎЛСИН!

Аллоҳ таолога ҳисобсиз ҳамд, Пайғамбаримизга (у зотга Аллоҳининг саломи бўлсин) салавот ва саломлар айтамиш.

Яратганга шукр, бу йил ҳам беш мингдан ортиқ фуқароларимиз Мадина мунаввара ва Маккай мукаррама шаҳарларида бўлиб, динимизнинг бешинчи аркони, ҳажни адо этишди.

Ҳожиларимизнинг ўзларига яқин бўлган аэропортлардан тўғридан-тўғри Саудия Арабистонига сафарлари уюштирилди.

Мадина мунавварада ҳожиларимиз муборак қадамжоларни зиёрат этиб, ибодатларини ўзгача файз билан адо этдилар. Ҳожиларимизнинг Масжидун Набавийнинг ёнгинасидаги “Тойийба” меҳмонхонасида жойлашганлари уларга катта қулайлик ва енгиллик бўлди.

Ҳожилар Пайғамбаримиз (у зотга Аллоҳининг саломи бўлсин) масжидларини зиёрат қилишди. Ул зотнинг равзai мубораклари ёнида намоз ўқиши. Қабрлари олдига бориб, жанобимизга ва ҳазрат Абу Бакр, ҳазрат Умарга (Аллоҳ узардан роғи бўлсин) ёру дўстлари ва қавм-кариндошлари номидан саломлар етказиши. Ҳожиларимиз шайтонга тош отиб, қурбонликни сўйиб, сочни олдириб ёки қисқартириб бўлишганидан сўнг, ҳажнинг сўнгги фарзи ифоза тавофини адо этишди.

Юртдошларимиз бу заминдаги вақтларидан унумли фойдаланиб, кўп маънавий фойдалар олдилар. Ҳазрат Расулulloҳ (у зотга Аллоҳининг саломи бўлсин) ва сахобалар юрган қадамжоларда бўлган киши бу зотларнинг ибратли ҳаётларидан ўрнак олади, савобли ишлар қилишга ғайрати жўшади.

Ҳожиларимиз 2012 йилнинг 24 октябр куни кечқурун, Зулҳижжа ойининг саккизинчи тунида ҳажни ният қилиб, эҳромга кириши. Шундан сўнг, юртдошларимиз Мино водийига йўл олдилар. У ерда ўзларига ажратилган чодирларга жойлашиб, дуо ва ибодат билан машғул бўлишди. Муфассирлар “Саноқли (маълум) кунларда Аллоҳни (кўпроқ) зикр қилингиз!” (Бақара, 203) ояти каримасида Минода туриладиган кунларга ишора борлигини айтишган. Арафа куни, бомдод намози ўқилгач, Арафот водийи томон йўлга

чиқилди. Арафотда туриш ҳажнинг энг асосий фарзидир. Пайғамбаримиз (у зотга Аллоҳининг саломи бўлсин) “Ҳаж арафадир” деганлар.

Арафотда пешин ва аср намозлари қўшиб, бир аzon икки тақбир билан қаср қилиб ўқилди. Намозлардан кейин машхур қориларнинг Куръони карим тиловатлари тингланди ва диёримиздаги диний таълим масканлари талабалари адо этишган 500 га яқин Куръони карим хатми шу жойнинг ўзида бахшида қилинди. Шунингдек, уламоларимизнинг маърузалари тингланди. Ҳожиларимиз Арафотда она Ватанимиз тинчлиги, халқимиз фаровонлиги ва фарзанду жигарбандларимизнинг баҳт-саодатини тилаб Яратганга дуо-илтижо қилдилар.

Арафот водийида қуёш ботгач, шом намозини ўқимасдан, Муздалифага қараб юрилди. У ерга этиб боргач шом ва хуфтон намозлари жам қилиб ўқилди. Муздалифада ҳам тақбир, тасбех ва дуо қилиш билан машғул бўлишди.

Зулҳижжа ойининг ўнинчи куни ҳожиларимиз шайтонга тош отиб, қурбонликни сўйиб, сочни олдириб ёки қисқартириб бўлишганидан сўнг, ҳажнинг сўнгги фарзи ифоза тавофини адо этишди.

Аллоҳ таолога беадад шукроналар бўлсин, мўмин-мусулмонларимиз рухан пок, жисман бардам бўлиб, қалблари илоҳий футухотлар или лиммо-лим тўлган ҳолда юртимизга кайтишди. Эндиликда қолган умрларини разолатдан йироқда, аҳли аёл, ёру дўстларни яхшиликка чорлаган ҳолда ўтказмоққа аҳду паймон қилишди.

Видо тавоифидан сўнг она-Ватан сари йўл олар эканмиз, қалбимиз ажиб бир туйғу или лиммо-лим эди. Бутун Ислом олами анжуманидан катта сабоқ олиб қайтган ҳожилар энди уни амалга татбиқ қилсалар, шунда зиммадаги вазифа мукаммал адо этилган бўлади.

Аллоҳ таоло юртдошларимизнинг ҳажларини мақбул айласин!

ФИРҚАЛАНИШ ЗАЛОЛАТДИР

Ислом дини ўз номи билан тинчлик, бирдамлик, ҳамжиҳатлик динидир. Адоват, ихтилоф ва тарафкашликнинг хар қандай кўриниши динимизга бегона.

Аллоҳ таоло бандаларини бирликка ва ҳамкорликка чақиради, ўрталарида низо чиқариб, фирқаларга бўлинишдан қайтаради:

وَأَعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا...
۱۲۳

«Ҳаммаларингиз Аллоҳнинг “арқони” (Куръон)ни маҳкам туting ва фирқаларга бўлинманг...» (Оли Имрон, 103).

Фирқаларга бўлиниб, ўзаро ихтилоф ва адоватлар чиқарадиган нобакорларга ўхшаб қолишдан Аллоҳ таоло бизларни қайтариб:

وَلَا تَكُونُوا كَالَّذِينَ تَفَرَّقُوا وَأَخْتَلُفُوا مِنْ بَعْدِ مَا جَاءَهُمْ
۱۴۵
الَّذِينَ تَرَكُوكُمْ عَذَابٌ عَظِيمٌ

«Хужжатлар келганидан кейин ҳам бўлиниб, ўзаро ихтилофга берилган кимсаларга ўхшамангиз! Ана ўшаларга улкан азоб бордир», – дейди (Оли Имрон, 105).

Пайғамбаримиз (узотга Аллоҳнинг салоти ва саломи бўлсин) ҳам биз умматларини иноқ бўлишга буюрганлар. Видолашув ҳажида қилган хутбаларида биз мусулмонларни бир-биримизга душман бўлишдан, қурол кўтаришдан қайтариб, дўсту биродар бўлиб яшашни васият қилганлар. Агар биз ўзимизни жаноб Пайғамбаримизнинг (узотга Аллоҳнинг салоти ва саломи бўлсин) умматлари деб билсак, васиятларини бажаришимиз лозим. Шояд, шунда у зотнинг (узотга Аллоҳнинг саломи бўлсин) шафоатларидан насибадор бўлсак.

Аллоҳ таоло барчамизнинг қалбларимизни бирлаштириб, Ўзининг тўғри йўлидан юришга муваффақ айласин. Адашган кишиларга тавфиқу ҳидоят насиб қилсин!

«HIDOVAT»

Ойлик диний-маърифий,
илмий-адабий нашр

Муассис

Ўзбекистон мусулмонлари идораси

Бош муҳаррир

Нуруллоҳ МУҲАММАД РАУФХОН

Таҳрир ҳайъати

Усмонхон АЛИМОВ

Абдулазиз МАНСУР

Абдураззоқ ЮНУС

Ортиқбек ЙОСУПОВ

Анвар ТУРСУН

Аҳад ҲАСАНОВ

Зоҳиджон ИСЛОМОВ

Абдулҳамид ТУРСУН

Хайдархон ЙЎЛДОШХЎЖАЕВ

Баҳодир КАРИМОВ

Эркин МАЛИК

Мухаммад Шариф ЖУМАН

Исомиддин ОЛИМОВ

Абдул Жалил ХЎЖАМ

(Бош муҳаррир ўринбосари)

Мухтарама УЛУГОВА

Муқова

«Voris Design» маркази билан

ҳамкорликда тайёрланди.

Бадиий муҳаррир

Хайруллоҳ ҚУДРАТУЛЛОХ ўғли

Саҳифаловчи

Бахром ИКРОМОВ

Матнни

Рахима КАРИМЖОН кизи
терди.

Манзилимиз

100002, Тошкент шаҳри
Зарқайнар 18-берк кўча 47^а-йи;
Тел: 240-05-19, 227-34-30.
Интернет сайтимиз: www.hidoyat.uz
Интернет почтамиз: m-nashr@yandex.ru
Ўзбекистон Республикаси Матбуот ва
ахборот агентлигига рўйхатга олинган.
Гувоҳнома рақами 0177.

Босишга 2012 йил 21 ноябрда руҳсат берилди.
Босмахонага 2012 йил 23 ноябрда топширилди.
Қоғоз бичими 60x841/8. Адади 47.320 нусха.
2702 -сон буюртма. «Sharq» нашриёт-матбаа
аксиядорлик компаниясида босилди. Тошкент шаҳри, Буюк Турон кўчаси, 41.

Қўллэзмалар қайтарилмайди.

Муаллифлар фикри таҳтирият нуқтаи назаридан
фарқ қилиши мумкин. Келтирилган иқтибос ва
рақамлар учун муаллиф масъул. Ҳат юборилгани
да исмлар тўлиқ, манзил аниқ ёзилсин. Мақолалар
кўчириб босилса ёки иқтибос олинса, «Хидоят»дан
олингани кўрсатилиши шарт.



МУНДАРИЖА

| | |
|---------------------------------------|----|
| Бугуннинг гали | |
| Усмонхон АЛИМОВ | |
| Хажингиз мабрур бўлсин! | 1 |
| Таянч нуқта | |
| Фирқаланиш залолатдир | 2 |
| Конституциямизнинг 20 йиллиги | |
| Ортиқбек ЮСУПОВ | |
| Эътиқод эркинлиги, | |
| бағрикенглик самаралари | 6 |
| Муносабат | |
| Миродил МИРЖАЛИЛОВ | |
| Халқимиз кўнглидаги иш | 7 |
| Халқона ўғитлар | |
| Момоларимиз айтади | 9 |
| Мовароуннаҳр уламолари | |
| Фазлиддин МУХТОРОВ | |
| Абдулҳамид ибн Ҳумайд Кеший | 10 |
| Яхшиликка чақириши | |
| Бино ва уй-жой (куриш) одоблари | 11 |
| Насиҳат | |
| Валийлар ибрати | 13 |
| Муносабат | |
| Дилноза МИРЗАЁҚУБОВА | |
| Бир фильмнинг ёмон таъсири | 14 |
| Яхшиликка чақириши | |
| Оқилхон АҲМЕДОВ | |
| Ўзи Рассоқ Зот | 15 |
| Олисларга саёҳат | |
| Корея Республикаси | 16 |
| Долзарб мавзу | |
| Шайх Абдулазиз МАНСУ | |
| Бузғунчи оқимларнинг | |
| соҳта даъволариға раддиялар | 18 |
| Куръон қиссалари | |
| Самуд қавми | 22 |
| Шеърият | |
| Бойжигит АБДУЛЛАЕВ | |
| Илтижоларимни қилгин ижобат | 24 |
| Фариддун ОЧИЛОВ | |
| Фарзанд ноқобил бўлса | 24 |
| Ҳабиба БУРҲОН қизи | |
| Арзимас | 25 |
| Рустам МИРВОҲИД | |
| Хакиқат | 25 |
| Комил МАЖИД | |
| Муножот | 25 |
| Яхшиликка чақириши | |
| Тўхтакон РАҲИМОВА | |
| Ширин сўз – жон озиғи | 26 |
| Мунаввар олам | |
| Зумрад ФОЗИЛЖОН қизи | |
| Тақвдорлар маслаги | 27 |
| Мустаҳкам оила йили | |
| Мухтарама УЛУФОВА | |
| Қанот жуфт бўлади | 28 |
| Аёллар саҳифаси | |
| Абдуғафур НИЁЗҚУЛОВ | |
| Улуғларнинг оналари... | 30 |
| Муносабат | |
| Абдисамат ВАСИДОВ | |
| Уста Абдулазиз ва авлодлари | 31 |
| Ибратли ҳикоялар | |
| Сени ҳеч кимга ишонмасдим... | 32 |

Тафсир

САБРНИНГ МУКОФОТИ ҲИСОБСИЗДИР

Аллоҳ таоло инсонларни гоҳида яхшилик билан, гоҳида очлик ва хавф каби қийинчиликлар билан синайди. Ким сабр киласа, унга ажр ёзди.

Аллоҳ бандаларига ҳаёт, соғлик, тинчлик каби неъматларни, бу нарсаларга улар ҳақдор эканлари учун бермайди, балки Аллоҳ таоло уларни ўз фазли билан беради.

Ҳадис шарҳи

ФОРДА ҚОЛГАНЛАР ҚИССАСИ

“Менинг амакимнинг қизи бор эди. Уни ҳаммадан кўп севардим. Унинг васлидан баҳраманд бўлишни хоҳладим. Аммо у бунга кўнмади. Кунларнинг бирида у йўқсилликка учради, мендан ёрдам сўрашга мажбур бўлди. Истагимга кўниши шарти билан унга бир юз йигирма динор бердим. У қабул қилди. Орзуминг эришадиган пайтим: “Аллоҳ таолонинг муҳрини ноҳақ бузишинг ҳалол эмас!” деди.

Масала

СЎРАГАН ЭДИНГИЗ...

Электрон ўйинлар болаларимиз ва ўсмир ёшларимизни тобора ўзига боғлаб олаётгани айни ҳакиқат. Бундай ўйинлар ёшлар онгостига таъсири кўрсатиб, гиёҳванд модда сингари ўзига ўргатиб олади ва аста-секин болада жангарилик, зўравонлик, шафқатсизлик ва беҳаёлик каби хисларни шакллантиради.

12

Хабарлар

ИСЛОМ ВА ОЛАМ

Веб-тармоқда нодир маълумотлар


Буюк Британия ҳукумати яқин вақтлар ичida интернетга Форс кўрфази мамлакатлари тарихига доир шу пайтгача эълон қилинмаган 500 мингдан ортиқ асарларни, йирик араб ва мусулмон олимларининг нодир қўлёзмаларини жойлаштироқчи.

8

20

Журналишимиз саҳифаларида оят ва ҳадислар берилгаётгани учун уни ножоиз жойларга ташламаслигинизни сўраймиз.

САБРНИНГ МУКОФОТИ



بِسْمِ اللَّهِ الرَّحْمَنِ الرَّحِيمِ

يَأَيُّهَا الَّذِينَ آمَنُوا أَسْتَعِنُو بِالصَّبْرِ وَالصَّلَوةِ إِنَّ اللَّهَ مَعَ الصَّابِرِينَ ١٥٣
 وَلَا تَقُولُوا لِمَن يُقْتَلُ فِي سَبِيلِ اللَّهِ أَمْوَاتٌ بَلْ أَحْيَاءٌ وَلَكِنَّ لَا شَعُورٌ
 وَلَنَبْلُونَكُم بِشَيْءٍ مِّنَ الْخُوفِ وَالْجُوعِ وَنَعْصِ مِنَ الْأَمْوَالِ وَالْأَنفُسِ ١٥٤
 وَالثَّمَرَاتِ وَبَشِّرِ الصَّابِرِينَ ١٥٥ أَلَّذِينَ إِذَا أَصَبَبْتُمُهُم مُّصِيبَةً قَالُوا إِنَّا لِلَّهِ
 وَإِنَّا إِلَيْهِ رَجُونَ ١٥٦ أُولَئِكَ عَلَيْهِمْ صَلَوَاتٌ مِّنْ رَبِّهِمْ وَرَحْمَةٌ
 وَأُولَئِكَ هُمُ الْمُهْتَدُونَ ١٥٧



«Эй имон келтирганлар! Сабр ва намоз билан (Мендан) ёрдам сўрангиз! Албатта, Аллоҳ сабр қилувчилар билан биргадир. Аллоҳ йўлида қатл этилувчилар (шахидлар) хақида: “(Улар) ўликдирлар”, демангиз! Йўқ! (Улар) тирикдирлар, лекин сизлар (буни) сезмайсиз. Сизларни бир оз хавф-хатар, очлик (азоби) билан, молу жон ва мевалар (хосили)ни камайтириш йўли билан синагаймиз. (Шундай ҳолатларда) сабр қилувчиларга хушхабар беринг (эй Мухаммад)! Уларга мусибат етганда: “Албатта, биз Аллоҳнинг ихтиёридамиз ва албатта, биз Унинг хузурига қайтувчилармиз”, дейдилар. Айнан ўшаларга Парвардигорлари томонидан салавот (мағфират) ва раҳмат бордир ва айнан улар, хидоят топувчилардир» (Бақара, 153–157).

Ином Муслим ривоят қиласи: Расулуллоҳ (у зотга Аллоҳнинг салоти ва саломи булсан) бундай марҳамат қилганлар: “Мўминнинг ҳоли ажойиб: Аллоҳ унинг тақдирига нима битса унга яхшилик бўлаверади. Агар унга хурсандчилик етса, шукр қиласи ва бу унга яхши бўлади, агар бошига мусибат тушса, сабр қиласи, бу ҳам унга яхши бўлади”.

«(Аллоҳдан) сабр ва намоз ила ёрдам сўрангиз. Дарҳақиқат, у (намоз) оғир ишдир. Илло, итоатли (хокисор) кишиларга (оғир) эмас» (Бақара, 45). Чунки барча фазилатларга сабр билан эришилади. Намоз барча ёмонликлардан қайтаради. Гуноҳлар ва харом ишлардан тийилиш ҳам Аллоҳ таолонинг тоати ва ибодатида бардавом бўлиш ҳам сабр билан бўлади.

Расулуллоҳ (у зотга Аллоҳнинг салоти ва саломи булсан) айтадилар: “Балонинг биринчи зарбаси пайтидаги сабргина чин сабрдир” (Ином Бухорий ривояти). Демак, бирор мусибат, ба-ло, етган вақтидаётқ инсон тушкунликка тушиб қолмай, уларнинг бари Аллоҳнинг имтиҳони эканини англаб, истиржо айтишни унутмаслиги лозим.

«Сизларни бир оз хавф-хатар, очлик (азоби) билан, молу жон ва мевалар (хосили)ни камайтириш йўли билан синагаймиз. (Шундай ҳолатларда) сабр қилувчиларга хушхабар беринг (эй Мухаммад)!»

Аллоҳ таоло инсонларни гоҳида яхшилик билан, гоҳида очлик ва хавф каби қийинчиликлар билан синайди. Ким сабр қилса, унга ажр ёзади.

Аллоҳ бандаларига ҳаёт, соғлик, тинчлик каби неъматларни, бу нарсаларга улар ҳақдор эканлари учун бермайди, балки Аллоҳ таоло уларни ўз фазли билан беради.

«Уларга мусибат етганида: “Албатта, биз Аллоҳнинг ихтиёридамиз ва албатта, биз Унинг хузурига қайтувчилармиз”, дейдилар». Яъни, мўминлар ўзларига шу сўзлар билан тасалли берадилар ва барча нарса Аллоҳнинг мулки экани, У хоҳлаганича тасарруф этишини, ҳамда Қиёмат куни зарра

ҲИСОБСИЗДИР

мисқол оғирлигига савоб ҳам зое кетмаслигини, Унинг ҳузурига қайтишларини биладилар.

«Инна лиллаҳи ва инна илайҳи рожиъун» («Албатта, биз Аллоҳнинг ихтиёридамиз ва албатта, биз Унинг ҳузурига қайтувчилармиз») истиржодир. Умму Саламадан (Аллоҳ ундан рози бўлсин) ривоят қилинади: «Бир куни Абу Салама олдимга Расулуллоҳнинг (У зотга Аллоҳнинг салоти ва саломи бўлсин) ҳузурларидан келиб: “Расулуллоҳдан (У зотга Аллоҳнинг салоти ва саломи бўлсин) хурсанд қиласидан бундай гапни эшийтдим: “Кимнинг бошига мусибат тушганида у истиржо айтса ҳамда: “Ё Аллоҳ, мусибатимга мукофотини бер, менга бундан яхшироғини алмашти” деса, Аллоҳ унга сўраганини беради”, деди» (*Имом Аҳмад ривояти*).

Anas (Аллоҳ ундан рози бўлсин) ривоят қиласиди: «Расулуллоҳ (У зотга Аллоҳнинг салоти ва саломи бўлсин): “Агар бирор мусибат узоқ давом этса, банда тинмай истиржо айтиб турса, банда айтган ҳар бир истиржога савоб ёзилади”, дедилар». Абу Бакр Жассос (Аллоҳ ундан рози бўлсин) тафсирида бундай дейилади: Сабр қилган инсонга охиратда шу қадар кўп савоб ёзилади, унинг микдорини фақат Аллоҳ таолонинг ўзи билади.

Бу оятдан икки хил ҳукм олинади. Биринчиси фарз, иккинчиси мандуб. Аллоҳнинг амрига таслим бўлиш, унинг қазои-қадарига

рози бўлиш, Унинг буюрган амалларини бајаришда сабрли бўлиш фарз, истиржо, яъни, “Инна лиллаҳи ва инна илайҳи рожиъун”ни айтиш мандубdir.

Довуд Тоий айтади: “Мусулмон киши бу дунёдаги мусибатларга хафа бўлиши мумкин эмас, чунки у ҳар бир мусибатга савоб берилишини билади”.

Газабни енгиш ҳам сабрнинг бир тури хисобланади, гоҳида одамлар орасида анча вақт сабр қилиб, сўнг: “Етар, шунча сабр қилдим” дейдиганлари ҳам учраб туради. Бу ҳолат Аллоҳнинг тақдиридан норози бўлишdir. Рўзгордаги етишмовчиликни бошқаларга ошкор қилиш ҳам сабрсизлик ҳисобланади. Ҳар кандай ҳолатда ҳам Аллоҳга шукр айтиб, берганига қаноат қилиш энг маъқул ишdir.

Зеро, **«Айнан ўшаларга Парвардигорлари томонидан салавот (мағфират) ва раҳмат бордир ...ва айнан улар, хидоят топувчилардир»**.

Абу Мансур Мотуридийнинг
“Таъвилот аҳл ас-Сұнна”,
Ибн Касирнинг “Тафсийрул Куръанил
азийм” тафсиirlари асосида

Бадриддин САДРИДДИН ўғли
тайёрлади.





ЭЪТИҚОД ЭРКИНЛИГИ, БАГРИЕНГЛИК САМАРАЛАРИ

Мамлакатимиз тарихан кўп миллатли ўлка бўлгани туфайли бу заминда турли дин вакиллари эмин-эркин яшаганлар. Юртимизда диний ташкилотлар ҳам жамият тараққиётида тобора фаол иштирок этиб, халқ маънавиятини юксалтиришга, қадриятларини тиклашга, энг асосийси, мустақиллигимизни мустаҳкамлашга хисса кўшмоқдалар. Юртимиз истиқлолга эришгач, эътиқод эркинлиги қонуний асосда таъминланди.

Конституциямиз барча фуқароларнинг виждан эркинлигини кафолатлади. Ушбу бағриенглик тамойили 1998 йил май ойида қабул қилинган янги таҳрирдаги “Виждан эркинлиги ва диний ташкилотлар тўғрисида”ги Конунда ҳам ўз ифодасини топган. Бу хужжатда халқаро меъёрларга жавоб берадиган, халқимиз руҳига мос келадиган имон-эътиқод, инсоф-диёнат, меҳр-оқибат каби энг эзгу фазилатлар аксини топган. Ушбу қонун фуқароларнинг диний эҳтиёжларини қондириш, уларнинг манфаатларини химоя қилиш учун хизмат қилмоқда.

Ўзбекистон раҳбарияти мустақилликнинг илк кунлариданоқ ўзининг динга муносабатини “Дунёвийлик – дахрийлик эмас” тамойили асосида аниқ ва ишончли йўлга кўйди. Давлатнинг динга муносабати “Инсон эътиқодсиз яшай олмайди”, деган аниқ ишонч асосида белгиланди.

Ўзбекистонда турли дин вакилларининг ҳеч қандай тўсикларсиз ибодат қилишлари учун барча шароитлар яратилган. Республикадаги диний ташкилотлар мустақил хукуқий шахс сифатида ер майдони ва биноларга эга бўлишлари, диний адабиётлар нашр этишлари, диний мутахассислар тайёрлашлари, турли тадбирлар ўтказишлари, муқаддас жойларга зиёратлар ташкил этишлари мумкин. Шу асосда диндорлар ўзлари хоҳлаган динга эмин-эркин эътиқод қилиб, барча амал ва маросимларни тўлиқ бажармоқдалар. Диний байрамларини нишонламоқдалар. Мусулмонларнинг Рамазон ва Курбон ҳайити байрамлари, насронийларнинг Пасха ва Рождество байрамлари нишонланиши оммавий ахборот воситаларида кенг ёритилмоқда.

Динларо бағриенглик гояси нафакат диндорларнинг, балки бутун жамият аъзоларининг эзгулик йўлидаги ҳамкорлигини назарда тутади ҳамда тинчлик ва барқарорликнинг муҳим шарти хисобланади. Қадимдан юртимизнинг йирик шаҳарларида масжидлар, черковлар, синагогалар ибодатчиларга хиз-

мат кўрсатиб келгани, тарихимизнинг оғир синовли дамларида ҳам диний асосда можаролар чиқмагани ҳалқимизнинг динларо бағриенглик борасида улкан тажрибага эга эканидан далолат беради.

Бугунги кунда хукуматимиз фуқароларнинг виждан эркинлигини кафолатлаш бўйича барча зарур тадбирларни амалга оширмоқда.

Мухтарам Юртбошимиз «Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари» асарида динга муносабатни қуйидагича ифодалаган: «Биз бундан буён ҳам ахолининг энг олий руҳий, ахлоқий ва маънавий қадриятлардан, тарихий ва маданий меросдан баҳраманд бўлиши тарафдоримиз».

Истиқлол туфайли динимиз ва миллий қадриятларимиз қайта тикланди. Ислом маданиятига мансуб бўлган минг йиллик тарихга эга, ўтмиш қаъридан оламга нур таратиб келган муқаддас ёдгорликлар, масжид ва мадрасалар мўмин-мусулмонларга қайтариб берилди.

Шунингдек, аждодларимизнинг тарихий мероси қайта тикланди, уларнинг илмий асарларини ёш авлод кенг ўргана бошлади. Буларнинг самараси ўлароқ, ҳалқимизнинг диний илмларга бўлган ташналигини қондириш мақсадида бир қанча диний-маърифий адабиётлар нашр этилди. Хусусан, Куръони карим ва ҳадислар тўпламлари ўзбек тилига таржима қилинди. Уламоларимиз тафсир ва ислом хукуқшунослигига доир кўпгина китобларни чоп эттиришди.

Ушбу ишларнинг юксак эътирофи сифатида 2007 йил ISESCO ташкилоти Тошкент шаҳрини Ислом маданияти пойтахти деб эълон қилганини келтириш ўринлидир. Ушбу ташкилот ҳамкорлигига Самарқанд ва Бухоро шаҳарларида “Ўзбекистон – буюк мутафаккирлар юрти” мавзууда халқаро анжуманлар ўтказилди. Тадбира 30 дан зиёд, жумладан, Саудия Арабистони, Кувайт, Миср, Покистон, Эрон, Хитой, Япония, АҚШ, Буюк Британия, Франция, Туркия, Иордания, Истроил, Бангладеш каби мамлакатлардан давлат, жамоат ва дин арబблари, халқаро ташкилотлар раҳбарлари иштирок этишиди.

Миллий ва диний қадриятларнинг ҳаётимизда муҳим ўрин тутиши, тарихий хотирамизни тиклаб, ўзлигимизни англашимиздаги ўрни, янги жамият қуришда муҳим куч-куват манбаи экани Юртбошимизнинг қуйидаги пурмалю фикрлари-





ХАЛҚИМИЗ КҮНГЛИДАГИ ИШ

да яққол ифодасини топган: "...Биз ўз миллатимизни мана шу муқаддас диндан айри ҳолда асло тасаввур кила олмаймиз. Диний қадриятлар, исломий тушунчалар ҳаётимизга шу қадар сингиб кетганки, уларсиз биз ўзлигимизни йўқотамиш".

Маънавий қадриятларимизни тиклаш, хоссатан, Тошкент, Самарқанд, Бухоро, Термиз, Хива, Андижон, Фарғона, Марғилон каби шаҳарларда тарихий ёдгорликларни таъмирашга катта ахамият берилди. Буюк алломаларимизнинг зиёратгоҳлари обод этилиб, уларнинг илмий мероси ўрганилмоқда. Имом Бухорий, Имом Термизий, Имом Мотуридий, Абдухолик Фиждувоний, Бурҳониддин Марғиноний, Баҳоуддин Нақшбанд, Ҳожа Аҳрор Валий каби улуғлар номи билан боғлиқ жойлар, Шоҳи Зинда, Кўкгумбаз мажмуалари кайта бунёд этилди, масжид ва мадрасалар обод килинди.

2007 йили Тошкентнинг Эски шаҳар даҳасида "Ҳазрати Имом" жоме масжиди, "Барокхон", "Муйи муборак" мадрасалари, Абу Бакр Каффол Шоший зиёратгоҳи, Ўзбекистон мусулмонлари идораси ва Тошкент Ислом институтининг янги биноларидан иборат мажмуя барпо этилди.

Халқимиз маънавиятини ошириш, диний ва миллий қадриятларимизни тиклаш ҳамда аҳолини турили ёт ва бузғунчи ғоялардан ҳимоя қилиш ишларида тажрибали имом-хатиблар меҳнати, "Мовароуннаҳр" нашриёти, Президентимиз ташаббуслари билан ташкил этилган Имом Бухорий халқаро марказининг фаолияти алоҳида ахамият касб этмоқда.

Республика Вазирлар Маҳкамаси қарори билан Ислом институти ва ўрта-маҳсус билим юртларида жорий этилган таълим стандартлари, ўқув режалари, талабаларга давлат меъёрларига мувофиқ диний ва дунёвий билим берилсаётгани инобатга олинниб, ушбу билим юртлари битирувчиларининг дипломлари давлат таълим хужжати сифатида эътироф этилди.

2011 йилдан Ўзбекистон Президенти "Истеъдод" жамғармасида Тошкент Ислом институти ва ўрта-маҳсус билим юртлари раҳбарлари ва ўқитувчилари учун малака ошириш курслари ташкил этилди.

Тинчлигимиз, ақидавий бирлигимизни турли оқимлар хуружидан ҳимоя қилиш, ёш авлодга муқаддас динимизнинг соғ инсонпарварлик, маърифатпарварлик ва меҳр-муруvvват ғояларини сингдиришда ушбу диний билим юртларининг фаолияти самарали бўлмоқда.

Хуллас, мамлакатимиз Конституцияси қабул килингач, жамиятимизнинг барча соҳаларида бўлганинни каби маънавий-диний ҳаётда ҳам улкан ислоҳотлар амалга оширилди, барча миллат вакиллари учун диний бағрикенглик ва виждан эркинлигини таъминлашнинг мустаҳкам хукукий асоси барпо этилди.

Ортиқбек ЮСУПОВ,
Дин ишлари бўйича қўмита раиси

Ўзбекистон Республикаси Конституцияси қабул қилинганига 20 йил тўлди. Унда инсон хукуқлари, шаъни, қадр-қиммати олий қадрият деб белгилаб қўйилгани юртимизда амалга оширилаётган ислоҳотлар туфайли исботини топмоқда.

Юртимиз аҳолисининг асосий қисмини мусулмонлар ташкил этади. Бошқа дин вакилларини камситмаган ҳолда Ислом динига эътибор берилиши халқимиз кўнглидаги ишдир.

Аждодларимиз меросини ўрганишга бағишлиланган халқаро анжуманлар ўтказилаётгани, диний-маърифий нашрлар чоп этилаётгани, ҳаж ва умра ибодатини тўла-тўқис адо этишга кўмаклашиш мақсадида қулайликлар берилсаётгани бизни қувонтиради.

"Виждан эркинлиги ва диний ташкилотлар тўғрисида"ги Қонунга асосан диний ташкилотларнинг бошқа ташкилотлар билан тенгҳукуқлиги таъминланди. Ушбу қонуннинг 5-моддасида прозелитизм, миссионерлик ҳаракатлари тақиқланиши белгиланган.

Афсус, қонунга зид ҳаракатларини турли йўллар ва усувлар билан амалга оширишга уринаётган бузғунчилар, миссионерлар ҳамон учраб турибди. Улар нопок мақсадларини ёшлар ўртасида, айниқса, диний маълумоти бўлмаган ёки ёт таъсирларга берилувчан айрим содда фуқаролар орасида ёйишга ҳаракат қилишади. Натижада айрим одамлар алданиб, моддий-маънавий қийинчиликлар баҳонасида фитначиларнинг тузоғига илиниб қоляпти. Шу муносабат билан барчани огоҳликка, ҳақ динимизни, миллий қадриятларимизни, бой тарихий меросимизни ҳимоя қилишга чорлаймиз.

Фитналарга бошловчи ҳар қандай ҳаракат ва ғояларга ҳаммамиз қарши туришимиз, мустақил диёrimиз равнақини таъминлаш, халқимиз тинчлигини саклашдек улуғ ишга холис ҳисса қўшмоғимиз керак.

Миродил МИРЖАЛИЛОВ,
Қибрай тумани "Дўрмон"
жомеменинг имом-хатиби



Ибн Умар (Аллоҳ
үзати роғи
бужини) айтадилар: «Расулуллоҳ бундай марҳамат қилдилар: “Сиздан олдин яшаганлардан уч киши йўлга чиқишиди. (Кун ботгач) тунаш учун бир ғорга кирғанларида, тоғдан бир харсангтош думалаб тушиб, ғорнинг оғзини ёпиб қўйди. Улар ўзаро: “Сизларни бу харсангтошдан фақат эзгу амалларингизни шафоатчи этиб Аллоҳ таолога қиласиган дуоларинг қутқара олади”, дейишиди. Улардан бири бундай деди: “Менинг кекса, қари ота-онам бор эди. Мен уларга жуда ғамхўрлик қиласар, кеч тушганида доимо олдин уларни овқатлантириб, сўнг болаларим ва ҳайвонларимни едириб-ичи-

Истагимга кўниши шарти билан унга бир юз ийгирма динор бердим. У қабул қилди. Орзумга эришадиган пайтим: “Аллоҳ таолонинг муҳрини ноҳақ бузишинг ҳалол эмас!” деди. Мен унга тегинишдан тийилдим ва одамлар орасида энг суйганим бўлишига қарамай, уни ўз ҳолига қўйдим. Олтинларни унда колдирдим. Ё Аллоҳ, буни Сенинг ризои шарифинг учун қилган эдим, бизни бу қийинчиликдан қутқар.

Тош яна бир оз силжиди. Лекин улар чиқиб кетадиган даражада очилмади. Учинчилари сўз бошлади: “Мен ишчилар ишлатардим. Ҳақларини ҳам дархол берардим. Ам-



ардим. Бир куни ўтин ахтариб узокларга кетиб қолдим. Уйга қайтганимда икковлари ҳам ухлаб қолишган экан. Улар учун сут соғдим. Ҳамон ухлаётган эдилар. Улардан илгари болаларим ва ҳайвонларимни озиқлантиришни маъқул кўрмадим. Уларни уйғотишга кўзим қиймади. Болаларим кеч қолганим учун (очликдан) оёғим остида бўзлашарди. Мен эса қўлимда сут қуийилган идиш билан ота-онамнинг уйғонишларини кутардим. Шундай ҳолатда тонг отди. Парвардигоро, бу ишни Сенинг розилигинг учун қилганимни биламан, йўлимизни тўсган бу тошдан бизни қутқар!”

Тош озгина сурилди. Бироқ улар чиқиб кетадиган даражада эмасди. Иккинчилари деди: “Менинг амакимнинг қизи бор эди. Уни ҳаммадан кўп севардим. Унинг васлидан баҳраманд бўлишни хоҳладим. Аммо у бунга кўнмади. Кунларнинг бирида у йўқсилликка учради, мендан ёрдам сўрашга мажбур бўлди.

мо улардан бири ҳақини олмай, кетиб қолди. Мен унинг пулинини ишга солиб қўпайтирдим. Орадан вакт ўтиб, у келди ва: “Эй Аллоҳнинг бандаси, менинг ҳақимни бер”, деди. Мен: “Мана шу кўриб турганинг мол, эчки, тuya ва қулларнинг бари сеники. Уларни олиб кетавер”, дедим. У: “Эй Аллоҳнинг бандаси, менинг устимдан кулма!” деди. Мен: “Устингдан кулаётганим йўқ, ростдан ҳам улар сеники, олиб кетавер!” дедим. У ҳамма нарсани олиб кетди. Парвардигоро, буларни Сенинг розилигинг учун қилган эдим, бизга бу ҳолатдан қутулишни насиб эт!”



Харсангтош (яна бир оз) сурилди ва улар ғордан чиқиб, йўлларида давом этдилар”» (*Ином Бухорий ва Ином Муслим ривояти*).

Шарҳ:

I. Баъзи ривоятларда келишича, бу уч йўловчи пиёда кетаётганларида ёмғир ёғиб қолган ва шу сабабли ғорга беркинишган. Биз шарҳ қилаётган ривоятда эса, кечаси тунаш учун ғорга кирганлари баён этилган. Бу икки ривоятни умумлаштирусак, улар кечаси ёмғирга йўлиққан бўлишлари мумкин.

II. Ҳадисда Аллоҳ таоло ҳузурида мақбул учта яхши ахлоқ баён этилган:

1. Ота-онага ҳурмат, уларнинг ҳақларига риоя қилиш.

2. Аллоҳ розилиги учун инсонларнинг ифратини сақлаш.

3. Бирорвонинг ҳақига риоя қилиш. Бошқаларнинг молини ўз моли каби асраш. Бу амалларни мақбул қилган омил уларни ихлос билан Ҳақ ризоси учун бажарилганидир. Зеро, ҳадисда амалларда ихлоснинг муҳимлиги алоҳида таъкидланган.

Биз шарҳлаётган ҳадис ривоятида ишчининг ҳақи микдори аниқ айтилмаган. Аммо бошқа ривоятларда бу бир фарақ гуруч экани айтилган. Яна бошқа ривоятларда бу хусусни очиб берувчи қўшимчалар келган ва йиллар ўтиб, ҳақини олгани келган ишчига ўн минг дирҳам бергани баён этилган.

4. Ҳадисда, шунингдек, гуноҳларни бир нуқтада тарқ этиш, шу пайтгача давом этган ўтмишнинг кечирилишига сабаб бўлиши ҳам ифода этилган. Амакисининг қизидан сўнгги дамда қўлини тортиши унинг ўша пайтгача қилган гуноҳлари кечирилишига олиб келди ва ана шу тийилиш дуосини қабулига сабаб бўлди.


5. Тавба қабул бўлса, барча қилмишларнинг кечирилишига сабаб бўлишини ҳам ҳадисдан билиб олиш мумкин.

6. Солиҳ кишилардан баъзан каромат содир бўлиши ҳақдир.

7. Омонатни адо этиш улкан фазилатdir.

8. Ўтган умматлар орасида содир бўлган воқеа-ходисаларни ибрат учун айтиш мумкин.

*Манбалар асосида
Содик НОСИР
тaiyёради.*



МОМОЛАРИМИЗ АЙТАДИ...

* * *

Бордан юқар, болдан томар.

* * *

Қайғуси йўқ қора сувдан семиради.

* * *

Кўрганингдан қўрмаганинг қўп,
Билганингдан билмаганинг қўп.

* * *

Сафар ҳам бир илм.

* * *

Чарви ёғи қотағон бўлар,
Ишёқмас ётағон бўлар.

* * *

Той яхшиси отга эргашар,
От ёмони тойга эргашар.

* * *

Қўшнининг қудуғига тупурма,
Бир кун сувидан ичасан.

* * *

Тоғ такаси тек турса оч қолади.

* * *

Синмас темир бўлмас,
Ўтмас умр бўлмас.

* * *

Ёмоннинг яраси битмас.

* * *

Ёлғончининг чини ҳам ёлғон.

* * *

Фаразли дўстдан аразли душман яхши.

* * *

Ишchan баҳтини ишидан излайди,
Ялқов баҳтини кишидан излайди.

* * *

Эрта турган эркакнинг бир ризқи ортиқ,
Эрта турган аёлнинг икки ризқи ортиқ.

* * *

Сувратга боқиб кўнгил берма,
Сийратига боқиб бер.

Сурхондарёлик Раҳима онадан ёзуб олинди.

АБДУЛҲАМИД ИБН ҲУМАЙД КЕШИЙ

Милодий IX–X асрларга келиб, Ўрта Осиёда Ислом динининг халқ орасида нуфузи ошиб, у орқали араб тили ва ёзуви ҳам тарқалди, бу тил илм-фан тилига айланди. Бу даврда Имом Бухорий, Абу Исо Муҳаммад Термизий каби буюк алломалар яшаб, ижод қилдилар. Абдулҳамид ибн Ҳумайд Кеший ҳам шу олтин аср фарзандидир. Унинг тўлиқ исми Абдулҳамид ибн Ҳумайд ибн Наср Абу Муҳаммад Ҳофиз Кешийдир. Машҳур тарихчи олим Абу Саид Абдулкарим Самъоний (1113–1167) “Ал-ансоб” асарида Ҳумайд Кеший ҳақида қисқа маълумот берган, аммо туғилган йилини кўрсатмаган. Бошқа бир манбада аллома милодий 786 йили, араб тарихчиси Шамсиддин Заҳабий (1274–1347) маълумотида эса хижрий 170 йилдан кейин Кешда туғилган дейилади.

Абдулҳамид хат-саводини она шахрида чиқаради, тиришқоқлиги, зехни ўткирлиги, билим олишга интилувчанлиги туфайли ўқиши ёзиши тез ўрганиб, араб тили ва Ислом таълимоти асосларини пухта эгаллашга киришади. Айниқса, ҳадис илми, фикх ва араб тилшунослигини ўрганишга катта эътибор беради.

Вақт ўтиб, унда ҳадис илмига қизиқиш кучаяди. Олдин ўз шахри муҳаддисларидан ҳадисшунослик сирларини ўрганади. Кейин эса Самарқанд ва Бухоро каби йирик шаҳарлардаги олимлар ҳузурига боради. Ҳадис жамлаш, бу соҳадаги билимини янада чуқурлаштириш мақсадида узок йиллар Макка, Мадина, Бағдод, Басра, Куфа, Шом (Дамашқ), Нишопур ва бошқа шаҳарларда яшаб, таниқли уламолардан таълим олади. Араб тарихчиси Шамсиддин Заҳабий “Тарих ал-Ислом” асарида Абдулҳамид ибн Ҳумайд Кеший илм истаб икки юздан ортиқ жойга сафар қилганини қайд этган. Аллома Абу Довуд Тайлосий, Назр ибн Исмоил Марва-

зий, Абу Бакр ибн Абу Шайба, Умар ибн Юнус Ямомий каби ўnlаб устоз муҳаддис ва ровийлардан ҳадис ривоят қилган.

Имом Бухорий, Имом Муслим, Имом Термизий каби буюк муҳаддислар унга шогирд бўлгани, ундан ҳадис ривоят қилгани манбаларда қайд этилган.

Ҳумайд Кеший “Муснад ал-Кабийр” номли асарига ҳаёти давомида тўплаган барча ҳадисларни жамлаган. “Тафсир Абд ибн Ҳумайд” асари асосида араб олими Муҳлиф ибн Баниҳи Үрф 2004 йили “Қитатун мин тафсир ал-имом Абд ибн Ҳумайд” (Имом Абд ибн Ҳумайднинг тафсиридан бир бўлим) номи остида китоб нашр этди. Алломанинг юқорида тилга олинган асарларидан парчалар сақланиб, бизнинг кунларгача етиб келган.

Абдулҳамид ибн Ҳумайд Кеший араб тилини мукаммал эгаллаб, асарларини шу тилда ёзган. У араб тилшунослигига оид “Китоб аъл ҳуруф ал-муъжам” (“Ҳарфлар тўғрисида китоб”), “Ат-тасариф” (“Турланиш”), “Китоб фаъалту ва афъалту” (“Араб грамматикаси ҳақида китоб”) каби асарлар муаллифидир.

Алломага “Ҳофизул ҳадис”, “Соҳибул муснадил кабийр”, “Соҳибул тафсирул кабийр” сингари номлар берилган. Шунингдек, “ал-Имом”, “ал-Ҳофиз”, “ал-Ҳужҷат”, “ал-Жаввол” нисбалари ҳам унга тегишли унвонлардир. Кўпчилик олимлар асарларида унга нисбатан “Кашший”, “Киссий”, “Лайсий” нисбаларини кўллаган.

Абдулҳамид ибн Ҳумайд Кеший хижрий 249 (милодий 863–864) йили вафот этгани ҳақида ҳамма олимлар бир хил фикрда, аммо қайси шаҳарда ҳаётдан кўз юмгани борасида ихтилофлар бор. Масалан, “Сияр аълом ан-нубало” асарида аллома Дамашқда вафот этгани қайд этилган. Ибн Қони фикрича эса, муҳаддис Кешда дунёдан ўтган. Ибн Ҳумайд Кеший ҳаёти бўйича тадқиқот олиб бораётган Шукрулло Умаров буюк муҳаддис қаерда дунёдан кўз юмгани ҳақида турли маълумотлар борлиги, бу борада жиддий тадқиқот олиб бориш ва шундан сўнггина аниқ фикр айтиш зарурлигини таъкидлайди.

Фазлиддин МУХТОРОВ,
Шаҳрисабз тумани бош имом-хатими



Mусулмон киши ҳар бир ишида Расулуллоҳнинг (у зотга Аллоҳининг
салоти ва саломи
бўлсни) суннатларига амал қилиши лозим. У зот (у зотга Аллоҳининг
саломи бўлсни) бизларга уй-жой қуриши, тутишида ҳам зарур тавсиялар берганлар.

БИНО ВА УЙ-ЖОЙ (ҚУРИШ) ОДОБЛАРИ



Нофеъ ибн Абдулҳорисдан (Аллоҳ
уздиган ризи
бўлсни) ривоят қилинади: Расулуллоҳ (у зотга Аллоҳининг
салоти ва саломи
бўлсни): “Кенг маскан, солиҳ қўшни ва яхши марқаб мусулмон кишининг баҳтидандир”, дея марҳамат қилганлар. Зарурат бўлмаса, бинони етти-саккиз зироёндан (бир зироъ 46,2 см) баланд кўтармаслик керак. Чунки жин ва шайтонлар ердан етти-саккиз зироъ баландликни макон қилишади. Бундай ҳолатда қурилган уй аҳлларига зарар етиши эҳтимоли бор. Бино ва ундаги хоналарни эҳтиёж микдорида қуриш мақсадга мувофиқ. Мўмин киши турар жойини яхшилаши ва яшаш учун қулай қилиши керак. Зоро, киши турар жойининг қулайлиги унинг баҳт-саодатидандир. Киши уй қуришда одамларга кимлигини билдириш учун эмас, балки унда Аллоҳга ибодат қилиш, иссиқ-совуқдан сақланишни ният қилиши шарт. Қурилишга ортиқча маблағ сарфламаслик керак. Расулуллоҳ (у зотга Аллоҳининг
салоти ва саломи
бўлсни): “Мўмин ҳар бир қилган нафақасига ажр олади. Лекин бино ва тупроқ учун сарфлаганига ажр олмайди”, деганлар. Бино босқичма-босқич қурилгани яхши. Иброҳим ва Исмоил (алайхимуссалом) ҳам Каъбани қуришда шундай йўл тутишган. Шунингдек, замонавий меъморлик тажрибаси ҳам шу услугни маъқулламоқда.

Уй сотиб олган ёки курган киши қўчкор сўйиб, уни муҳтоjlарга бериши гўзал амаллардандир. Қўшнилар билан яхши алокада бўлиши, озорларига сабр қилиши керак. Имкон бўлса, намоз ва Куръон тиловати учун зебу зийнатлардан

ҳоли бир хона ажратиш мақсадга мувофиқдир. Уй деворларига жонли маҳлуклар суратини чизиш ёки осиш яхши эмас. Зоро, манбаларда, шундай уйларга фаришталар кирмаслиги айтилган. Шунингдек, уйда ортиқча кўрпа-ёстиқ сақламаслик керак. Уйга кириш-чиқишида “Бисмиллаҳ” айтиб, гарчи ҳеч ким бўлмаса-да, салом берилади. Зоро, “Бисмиллаҳ” айтилган уйдан шайтон қочади. Салом берилганида эса унга барака ёғилади. Салавот айтиб, сўнг “Ихлос” сурасини ўқиб кирилса, янада яхши. Уйни доимо покиза тутиш, ундаги ўргимчак инларини тозалаб туриш лозим. Чунки ўргимчак ини шайтоннинг ҳам уйидир. Ухлашдан олдин Аллоҳ зикри билан эшиклар беркитилиб, пардалар туширилади. Чироқ ва олов ўчирилади. Уйда ёлғиз ухламаслик яхши. Ҳовлида фақатгина чорва ва экинзорни кўриқлаш мақсадида итсақланади. Чунки ит бор жойга фаришта кирмайди. Уйлардан бирини меҳмон учун алоҳида ажратиш, мақсадга мувофиқ. Зоро, ҳовлининг закоти меҳмонхонасидир.

Юқорида келтирилган одобларнинг зоҳирий ва ботиний фойдалари, ҳикматлари кўп. Зоро, Расулуллоҳнинг (у зотга Аллоҳининг
салоти ва саломи
бўлсни) кўрсатмаларига амал қилиш ибодат эканини унутмаслик зарур.

*Муҳаммад ибн Абу Бакр Бухорийнинг
“Ширъатул Ислом” китоби асосида
Тошкент Ислом институти 4-босқич талабаси
Райхона ТОЖИБОЕВА
тайёрлади.*



СЎРАГАН ЭДИНГИЗ...

Саволларингизга Ўзбекистон мусулмонлари идораси раиси, муфтий
Усмонхон АЛИМОВ жавоб беради.



Савол: Ассалому алайкум, мухтарам Муфтий ҳазратлари! Куръони карим оятлари ва ҳадиси шариф матнлари ёзилган қоғозларни макулатурага бериш жоизми? Мутахассислар айтишича, қоғозлар сувга ивтилганида, ҳарфлари ўчиб кетаркан.

Жавоб: Йўқ, жоиз эмас, чунки бу Куръони карим ва ҳадиси шарифларга ҳурматсизлик бўлади. Зеро, қайта ишланган қоғозлар қандай мақсадда ишлатилиши барчага маълум. Агар Куръони карим ва бошқа муборак китобларнинг айрим саҳифалари ё ҳаммаси эскиб, ти-тилиб, яроқсиз ҳолга келса, эҳтиётлаб оёқости қилинмайдиган жойга кўмилади.



Савол: Ҳозир “Соч сотиб оламиз”, деб уйма-уй юрганларни кўрамиз. Ҳатто кўчаларда ҳам шу мазмундаги эълонларни учратиш мумкин. Инсон сочини сотиш мумкинми?

Жавоб: Мумкин эмас. Динимизда инсон ва унинг ҳамма аъзоси мукаррам. Шунинг учун унинг ҳеч бир аъзосини сотиб бўлмайди.



Савол: Ҳурматли устоз, сир эмас, ҳозир компьютер ўйинлари ёшлилар ўртасида жуда оммалашган. Бу ўйинларнинг турлари кўп, ўйинхоналар ҳам етарли. Бу ўйинларни ақлни пешлаш мақсадида ўйнаш мумкинми?

Жавоб: Электрон ўйинлар болаларимиз ва ўсмир ёшларимизни тобора ўзига боғлаб олаётгани айни ҳақиқат. Бундай ўйинлар ёшлилар онгостига таъсир кўрсатиб, гиёҳванд модда сингари ўзига ўргатиб олади ва аста-секин болада жангарилик, зўравонлик, шафқатсизлик

ва беҳаёлик каби хисларни шакллантиради. Бундан ташқари, бу ўйинлар болаларнинг ўқиб-ўрганганлари тошга битилгандек хотираларига муҳрланиб қоладиган ғанимат йиллари ҳавога соврилишига сабаб бўлади. Шунинг учун ақлни пешлаш, мияни дам олдиришнинг бошқа мақбул йўлларидан фойдаланган маъқул.



Савол: Ҳозир никоҳдан ўтиш маросимларида турли хорижий машиналардан карвон тузиб, сайд қилиш урф бўлган. Ўғлимизни уйламоқчи бўлиб тургандик, келин томон ҳам шундай машиналар олиб келишни тайинлашибди. Маслаҳатингизни сўрайман.




Жавоб: Аввало, шуни билишимиз керакки, бундай одатларнинг бир эмас бир неча зарарлари бор:

– бу ишга сарфланган пул исроф бўлади, динимизда исроф ҳаром саналади. Зеро, ўша ажнабий машиналардан биттасининг иккича соатлик ижараси учун тўланадиган фалон доллар эҳтиёжманд оиласарнинг йигирма кун-бир ойлик рўзгор харажатларига тенг;

– бундай “сайд” ўзини кўрсатиш, манманлик ҳам бор. Динимиз бизни манманлик, кибрдан қаттиқ эҳтиёт бўлишга чақиради ва унинг зарра қадари ҳам жаннатга киришдан тўсиши ҳақида огохлантиради.





– бу машиналар кўчаларда тартибсиз харакатлари билан бошқаларга халақит беришади, гоҳида эса бу қиликлари баҳтсиз ходисалар билан якун топади. Ҳаётда бунга мисоллар жуда кўп учраб турибди.

Шунинг учун, никоҳ тўйидек хайрли тадбирни бундай иллатлардан ҳоли ўтказа билсак, курилаётган оилалар ҳам баҳтиёр бўлади, иншааллоҳ.



Савол: Кўчада юрганимизда баъзи ҳайдовчилар йўл-патрул хизмати ходимлари йўқ бўлса, йўл қоидаларига кўпда риоя этишмайди, ҳатто қизил чироқни ҳам писанд қилишмайди. Ахир бу нотўғри эмасми?

Жавоб: Албатта нотўғри. Йўл қўпчиликники. Бинобарин унинг қоидаларига амал қилмаслик бошқаларнинг ҳақига хиёнат бўлади. Ҳақ-хуқуқ масалаларига ҳеч бир дин Исломчалик катта аҳамият бермаган. Мусулмон одам Аллоҳ ҳар бир нарсани кўриб-билиб туришига имон келтиргани учун назоратчи бор-йўқлигидан қатъи назар, бироннинг ҳақига тажовуз қилмайди.

ҳақида эшитдим, дея хотиржам юрибди. Айтингчи, инсон ҳаж қилса, шундай гуноҳлари ҳам кечириладими?

Жавоб: Ҳаж ибодати, агар рисоладагидек адо этилса ва Аллоҳ таоло даргоҳида қабул бўлса, банда билан Аллоҳнинг ўртасидаги гуноҳлари кечирилади. Аммо зиммасида бошқа бир банданинг ҳақи бўлса, уни ўтамагунича кечирилмайди. Қарз ҳатто Аллоҳ йўлида жон берган шаҳиддан ҳам кечирилмайди. Имом Мус-



лим Абдуллоҳ ибн Амрдан ривоят қилишича, Расулуллоҳ (у зотга Аландиниг салоти ва саломи бўлсин): “Шаҳиднинг қарздан бошқа ҳамма гуноҳлари кечирилади”, деб марҳамат қилганлар.

Модомики, бироннинг ҳақи шаҳид бўлган кишидан ҳам кечирилмас экан, бошқалардан асло кечирилмаслиги турган гап. Шунинг учун танишингиз имкони борида қўшнисининг фарзандларига бориб, бўйнидаги қарздан кутулиши зарур.



Савол: Никоҳидаги аёlinи бир боин талоқ қилган киши уни қайта никоҳига олмоқчи бўлса, яна маҳр бериши керакми?

Жавоб: Фуқаҳоларимизнинг сўзларига кўра, бундай ҳолда ҳам худди илк марта никоҳ ўқилаётганидаги каби маҳр берилади. Унинг энг ози эса, ўн дирҳам кумуш миқдорига teng.



Савол: Бир танишим ҳажга бориб келди. Қўшнисидан қарзи бор эди. Аммо қарзини узишга шошилмасди. Бу орада қўшниси вафот этибди. У ҳаж ибодати кишини онадан янги туғилгандек гуноҳлардан поклаши



Савол: Тиш ковагини тўлдириш (пломба) ёки мутахассис тавсиясига кўра, коваги, заруратан тўлдирилган тишини қоплатишдан олдин таҳорат олиш керакми?

Жавоб: Бу жобира (яра устига боғланган доқа ва шу кабилар) ҳукмида бўлгани учун уни тўлдиришдан ё қоплашдан олдин таҳоратли бўлиш шарт эмас. Бу ҳол зарурат бўлганидан тусл ва таҳоратга моне бўлмайди.

Нўймон Абдулмажид
ёзиг олди.



Интернет саҳифасида юртдошларимиздан бирининг саволи эътиборимни тортди. Унда 2012 йил 21 декабр куни Ер юзида қандай ҳодиса рўй бериши сўралган эди. Савол эгаси гўё юз беражак воқеалар хақида кўп нарса ўқиганини айтади. Мусулмон кишининг бундай фикрлашига ажабландим. Ҳа, 2009 йили экранларга чиқсан “2012” фильмининг одамларга таъсири ҳали-ҳануз сезилмоқда. Уни олмон режиссёри Роланд Эммерих суратга олган. Чунки инсонда қизиқувчанлик, ноодатий,

БИР ФИЛМНИНГ



ғайритабиий ҳодисаларга ҳар хил “башорат”ларга мойиллик қадимдан бор.

Имон талабларидан бири охират кунига, ўлимдан сўнг қайта тирилишга ишонишdir. Мусулмонлар ҳам, насронийлар ҳам шунга имон келтириб яшашади. Аммо қиёмат қачон келиши, қай тарзда бўлишини ҳеч ким билмайди, башорат ҳам қилолмайди. Қуръони каримда бундай дейилади: «Сиздан (эй, Мухаммад!) қиёмат ҳакида, унинг қачон қоим бўлишини сўрашади. Айтинг: “Унинг илми Раббим хузуридадир. Унинг вақти (келгани)да уни Ўзи билдиради. (Қиёмат) осмонлар ва Ерга оғирлик (тушкунлик) қилур. Сизларга (у) тўсатдан келиб қолур”. Сиздан гўё у ҳақда вакил (хабардор бўлганингиз)дек сўрашади. Айтинг: “Унинг илми (аниқ маълумоти) Аллоҳ ҳузуридадир. Лекин одамларнинг аксарияти (буни) билмайдилар”» (Аъроф, 187).


ЁМОН ТАЪСИРИ



Кейинги йилларда ҳалокатли саҳналарга бой кинолар жуда кўпайган. Уларда инсон ақли ожизлик қилувчи мавзулар, ҳодисалар кўтарилиган, ҳатто фаришталарни қиёфалаштиришгача борилган. Бу фильмларнинг яна бир томони – уларнинг барчасида инсоннинг жоҳиллиги, зулмкорлиги ошиб бораётгани, ваҳшийлашуви, қаноатсизлиги кўрсатилади. Балки бундай фильмлар кўпайишига, айнан, инсон табиатининг ёмон тарафга ўзгариб бораётгани сабаб бўлаётгандир. Аммо нима бўлганида ҳам, кино санъат турларидан бири сифатида инсонга маънавий озуқа бера олиши зарур. Кино инсонга ёт фикрлар, фантастик тасавурлар, ҳар қандай ақл доирасини инкор этувчи тасвирлар асосига эмас, иложи борича ҳақиқий ҳаётга яқин воқеа-ҳодисалар асосида ишланиши, томошабинда тўғри фикрни шакллантириши, ваҳима, эртangi кунга шубҳа ва қўрқув уйғотмаслиги керак.

Дилноза МИРЗАЁҚУБОВА





ЎЗИ РАЗЗОҚ ЗОТ

Осмонда, ернинг ости ва устида қимирлаган жонзотларнинг барининг ризқини Аллоҳ таоло беради.


Ризқнинг берилиши маълум жой ёки маконга боғлиқ эмас. Балки жонзотлар қаерда бўлишидан қатъи назар, Аллоҳ таоло уларнинг насибасини белгиланган микдорда, вактида етказади. Уммонлар тубидаги энг майда жонзотлардан тортиб, кунида ботмонлаб емиш ютадиган китлар ҳам белгиланган ризқини ейди.

“Тафсир ар-Розий”да бундай келтирилади: «Ҳазрат Мусонинг (у зотга Аллоҳнинг саломи бўлсин) хаёллари бир зум аҳли-оилаларига чалғиди. Шунда Аллоҳ таоло Мусога (у зотга Аллоҳнинг саломи бўлсин) ҳассасини харсангга уришини амр этди. Харсангга ҳассаларини урдилар. Харсанг ичидан бир улкан тош чиқди. Унга ҳам урганларида яна бир катта тош чиқди, учинчи тошга ҳам урганларида, ичидан оғзида озуқаси бор митти курт кўринди. Шунда Мусо (у зотга Аллоҳнинг саломи бўлсин) Аллоҳ таолонинг марҳамати билан куртнинг: “Мени кўрадиган, сўзимни эшитадиган, жойимни биладиган, мени унутмайдиган Зот барча айбу нуксондан покдир”, деганини эшитди».

Аллоҳ таоло бундай марҳамат қиласди.: “Ўз ризқини кўтара (топа) олмайдиган қанчалаб жонзотлар бор. Аллоҳ уларга ҳам, сизларга ҳам (у зотга Аллоҳнинг саломи бўлсин) ризқ берур” (*Анкабут, 60*).

Ҳасан Басрий (аллоҳ қадсии) бу оятдаги “rizқини кўтара (топа) олмайдиган” жумласи-

“Ерда ўрмаловчи бирор нарса (жонзот) йўқки, унинг ризқи Аллоҳнинг зиммасида бўлмаса!” (*Худ, 6*).



ни “жамлолмайдиган” деб шарҳлаганлар.

Пайғамбаримиз (у зотга Аллоҳнинг саломи бўлсин) бундай марҳамат қиласидилар: “Агар сизлар Аллоҳга ҳақиқий таваккал қиласаларинг, тонгда оч бўлиб, тунда тўқ қайтадиган кушлар каби сизларни ҳам ризқлантиради” (*Имом Термизий*).

Кушлар ва ҳайвонларни кузатсангиз, эртадан кечгача ризқини излайди. Уларнинг дон сақлайдиган омбори йўқ. Аммо ботиний бир туйғу-сезги билан Яратган зот оч кўймаслигини хис этиб, интилаверади.

ИНсонлар ҳам худди шундай, яхши яшashi, ҳаёти фаровон бўлиши учун тер тўкиб меҳнат қилишлари лозим. Ким менинг ризқим тайин, ишламасам ҳам бўлаверади, деса янглишади. Чунки таъкидлаш

зарур, ризқ касб-кор ёки бошқа сабаб билан бандага берилади. Унинг Аллоҳ хузуридан келишига ишонган ҳолда меҳнат қилишимиз зарур.

Яна бошқа ҳадисда бундай дейилади: “Аллоҳ таоло сизларга бирор сабаб билан ризқ бераеттган бўлса, зарар кўрмагунча уни ўзгартирмангиз” (*Имом Ибн Можса*).

Бирор касб ёки хунар орқали тириклигимиз ўтиб, уйимизга барака кирав экан, шу касбни давом эттиришимиз мақсаддага мувофиқдир. Қаноат қилмай, каттароқ молдунё ортириш мақсадида уни тарқ этсақ, Расулуллоҳнинг (у зотга Аллоҳнинг саломи бўлсин) кўрсатмаларига тескари иш қилган бўламиз.

Оқилхон АҲМЕДОВ,
Камаши тумани
боши имом-хатиби

КОРЕЯ РЕСПУБЛИКАСИ

Жуғрофий ўрни. Корея сўзи ҳудуддаги қадимий Корё сулоласи (918–1392) номидан келиб чиқсан. Корё номи эса ундан ҳам олдинги Когурё давлатига бориб тақалади. Корея Республикаси Корея яриморолининг жанубий қисмида жойлашган, шу сабабли уни норасмий тилда Жанубий Корея деб аташади. Корея қирғоқларини ғарбда Сарик денгиз, шарқда Япон денгизи, жанубда эса Корея бўғози ва Шимолий Хитой денгизи ювиги туради. Шимолда Корея Халқ Демократик Республикаси билан чегарадош. Мамлакат ҳудуди асосан тоғликлардан иборат, текислик ўттиз фоизни ташкил этади.

Тарихи. Қадимшунослар тахминича Корея яримороли ҳудудига одамлар етмиш минг йил олдин келган. Хамгён-Пукто, Пхёнан-Намдо, Кёнгида ва Чхунчхон-Пукто вилоятларида энг қадимги тош даврига оид меҳнат қуроллари топилган. Энг қадимги кулолчилик наmunалари милоддан олдинги 8000 йилларга тааллуқли.

Корея тарихидаги биринчи давлат Қадимги Чосон (Ко Чосон)дир. Бу уюшма илк бор милоддан олдинги IV–III аср манбаларида тилга олинган. Бу салтанат инқизотга юз тутгач, Махан, Чинхан ва Пёнхан қабила уюшмалари юзага келди. Милодий аср бошларида Корея яримороли ҳудудида Силла, Пэкче ва Когурё, шимолда эса Пархэ давлати ҳукм сурди. Силла қабила уюшма-

Майдони: 99 392 кв. км.

Аҳолиси: 49 000 000 дан ортиқ.

Пойтахти: Сеул шаҳри.


Тузуми: республика.

Давлат бошлиғи: президент.

Маъмурий тузилиши: 1 та алоҳида мақомдаги шаҳар (тыкъёлси), 6 та вилоят мақомидаги шаҳар (кванъёкси), 9 та вилоят (до)га бўлинади.

Йирик шаҳарлари: Сеул, Пусан, Кванжсу, Инчхон, Тэчжон, Улсан.

Пул бирлиги: вон.



си 676 йили Пэкче ва Когурёни эгаллади, натижада Бирлашган Силла давлати пайдо бўлди. Бу салтанат 936 йили Корё номини олди ва 1392 йилгача ҳукмронлик килди.

1231 йилдан мўғуллар Корёга хужум уюштира бошлади ва йигирма беш йил давом этган урушлардан сўнг, Корё

амалда Япония ҳукмронлиги остига ўтди. 1897 йили Ван Кожон императорлик тахтини қайта эгаллади, бироқ у хеч қандай кучга эга бўлмади. 1904–1905 йиллардаги рус-япон урушидан сўнг Япония Кореяни яна қарам қилиб олди, 1910 йили эса бутунлай забт этди. Иккинчи жаҳон урушидаги мағлубият туғайли Япониянинг Кореядаги ҳукмронлиги тугатилди. Кореяни шимолий қисмини Собиқ Иттифоқ, жанубий қисмини Америка Кўшма Штатлари эгаллаб олди.

1948 йили Корея Республикаси ва Корея Халқ Демократик Республикаси тузилди. Икки давлат ўртасида бўлиб ўтган 1950–1953 йиллардаги уруш қўшничилик алоқаларини бутунлай бузиб юборди.

1987 йили ўтказилган референдум янги конституцияни тасдиқлади. 1988 йил 25 февралда кучга кирган ушбу конституцияга асосан кўп босқичли сайлов ўрнига тўғридан-тўғри президент сайлови жорий этилди, пар-



қироллиги вассалга айланди. XIV аср ўрталарида мўғул ҳукмронлиги сусая бошлади. 1392 йили Корё қироллиги бош кўмондони Ли Сон Ге Чосон давлатига асос солди. Мамлакат пойтахти Хансон – ҳозирги Сеулга кўчирилди. XV асрда корейс алифбоси – хангил яратилди. Часон салтанати 1627–1636 йиллари Цин қироллиги кўл остида бўлди. 1895 йили



ламент ҳуқуқлари кенгайтирилди, президентнинг ваколатлари чекланди, унинг лавозимда бўлиш муддати етти йилдан беш йилга туширилди, матбуот эркинлиги мустаҳкамланди.

1992 йил декабрда ўтказилган президент сайловида Демократик либерал партия номзоди Ким Ен Сам ғалаба қозонди. Унинг шиори “барқарорлик шароитидаги ислоҳотлар” бўлиб, бир қатор ислоҳотлар ўтказди. Ана шу даврдан бошлаб давлатга бир нечта президент раҳбарлик қилди, демократия бошқарувнинг асосий мезони бўлиб қолди.

Миллий байрамлари: 15 август – Корея озодлиги куни (1945); 3 октябр – Давлатга асос солинган кун.

Ўзбекистон билан 1992 йил 29 январдан бошлаб турли соҳаларда ҳамкорлик қилиб келади.

1991 йил 17 сентябрдан Бирлашган Миллатлар Ташкилоти аъзоси.

Иқтисоди. 1960-йилларда Корея минтақадаги энг қашшоқ мамлакатлардан бири эди. Ҳозир ривожланган, куч-

ли саноатлашган мамлакатлардан бири. Бошқа ривожланган мамлакатлар сингари бу ерда ҳам хизматлар соҳаси иқтисодиётнинг устун тармоғи саналади. У ялпи ички маҳсулотнинг учдан икки қисмини ташкил этади.

Кема ишлаб чиқариш бўйича дунёда етакчилардан. Жаҳон бозорининг қирқ беш фоиз улуши Корея ҳиссасига тўғри келади. Автомобил саноати ҳам ривожланган. Ўзбекистонда корейс сармояси иштироқидаги бир қатор катта корхоналар бор.

Аҳолиси. Аҳолисининг асосий қисми корейслардан иборат. Юз мингта яқин хитой бор, улар асосан Япония, Малайзия, Хиндистон ва Филиппиндан кўчиб келган.

Мактаб ўқувчилари ўрта ва юкори синфларда ўқиш учун корейс ва инглиз тилларини билиши шарт. Юкори синфа – ўтгач, хитой, япон, француз, олмон, рус, испан ва араб тилларидан бирини қўшимча ўрганиш учун танлаш ҳам мумкин.



Дини. 2005 йилги рўйхатга олиш маълумотларига кўра, аҳолининг 46,5 фоизи ўзини ҳеч бир динга алоқадор ҳисобламаган, 29,3 фоизи насроний эканини билдирган. Насронийларнинг 18,3 фоизи протестант, 10,9 фоизи эса католик. Аҳолининг 22,8 фоизи буддавийлар.

Мамлакатдаги мусулмонлар сони қирқ мингдан ортиқ. Уларнинг кўпи Жанубий ва Жануби-шарқий Осиёдан келган муҳожирлар. Сўнгги пайтларда маҳаллий аҳоли вакиллари орасида ҳам Исломни қабул қилаётганлар ортиб бормоқда. Кореядаги энг катта масжид Сеулнинг Итэвон мавзесида жойлашган. Қолган барча катта шаҳарларда масжидлар бор.

Кореяга илк мусулмонлар VI–IX асрларда келган. Улар хитойлик савдогарлар эди. Ушбу юрт диний масалаларда ёпиқ мамлакат ҳисобланган. Бу ҳолат XIX асрга қадар давом этди. Бироқ мунтазам бўлмаса-да, корейслар Ислом илм-фани ва маданияти билан танишиб борган. Ўтган асрнинг 60-йиларида мамлакатда мусулмонлар кўпая бошлади. 1980 йили бир гуруҳ кореялик мусулмонлар илк бор ҳажга борди.

Орифжон МАДВАЛИЕВ
тайёрлади.





БУЗГУНЧИ ОҚИМЛАРНИНГ СОХТА ДАЪВОЛАРИГА РАДДИЯЛАР

(Давоми. Бошланиши ўтган сонда.)

Мазҳабсизлик. XX аср сўнгидаги мусулмон оламида Ислом ниқоби остидаги бузғунчи гурухлардан ташқари яна бир янги таҳдид – мазҳабсизликка чақириувчилар тоифаси на-моён бўлди.

Ушбу ҳаракат тарафдорлари даъво қилишларича, Исломда суннийликдаги тўрт фикҳий мазҳабнинг бирига эргашиш шарт эмасмиш. Агар мусулмон бирор шаръий ма-салада улардан бирининг йўлини тутса, у кўр-кўронга тақлид қилгани учун хатокор, мутаасиб ва диндан ажralган фирмка ва гурухлардаги шахслар каби адашгандардан бўлар эмиш. Бу тоифа кишилари фикҳий мазҳабларга эргашиш ёки бирор-бир мужтаҳид имомга эргашиш Аллоҳни қўйиб, уларни рабб қилиб олишдир, деган иddaони илгари суришади. Афсус, улар ҳар бир мусулмон якка тартибда “ижтиҳод” қилаверадиган бўлса, мазҳабларнинг сони тўртта эмас, мингтадан ҳам кўпайиб кетишини тан олишмайди.

Имом Аҳмад (Аллоҳнинг
рахматиги
бўлсин): “Ким динда тақлид йўқ деса, Аллоҳ ва Унинг Расули олдида фосиқдир. Унинг сўзи Сунна ва солих салафлар қарашларини рад қилишдир”, деганлар.

Такfir. Бу ибора арабча “куфр” сўзи ўзагидан олинган. Луғатда “инкор қилиш”, “ёпиш”, “каффорат бериш” каби маъноларни англатади. Истилоҳда эса мўмин кишини асоссиз сабаблар билан кофирига чиқариш демакдир.

Куръонда “куфр” сўзи бир неча ўринларда келган. Бир жойда кофириликни билдирса, бошқа жойда ношуқрликни ифода этади. Аллоҳ таоло киши изтириорий ҳолатда, яъни мажбурланган пайтда “куфр” сўзини айтиб қўйса, уни азобламаслигини ҳам баён қилган. Бу борада Савбондан (Аллоҳ
ундан рози
бўлсин) Набийнинг (у зотга Аллоҳнинг
салоти ва саломи
бўлсин): “Менинг умматимнинг хато қилган, эсдан чиқарган ва мажбурланган ҳолатда қилган ишидан қалам кўтарилди”, деган машҳур ҳадис ривоят қилинади.

Имом Бухорий “Саҳиҳ”идаги бир боб “Жоҳилият ишларидан бўлиб, куфр санал-


майдиган гуноҳлар боби” деб номлангани ҳам мусулмон инсон гуноҳ содир этиш билан Исломдан чиқмаслигига ишора қиласи. Катта (кабира) гуноҳ содир этган мўмин киши, Ахли сунна вал жамоа эътиқодига кўра, қилган ишини ҳалол санамас экан, кофири бўлмайди. Шунингдек, тўрт мазҳаб уламолари иттифоқига кўра, катта гуноҳ содир этган шахс дўзахда ҳам абадий қолмайди.

Мусулмонни кофирига чиқаришдан келиб чиқадиган хатарлар боис Куръон ва Суннада бирорларни кофирига чиқаришдан қайтарилади. Аллоҳ таоло бундай дейди: «**Эй имон келтирганлар! Аллоҳ йўлида сафарга чиққанингизда аниқ иш тутингиз!** Сизларга салом берган (ёки таслим бўлган) кишига бу дунё матохини (ўлжани) қўзлаб: “Мўмин эмассан”, демангиз! **Аллоҳнинг ҳузурида қўп ўлжалар** (бордир). Илгари сизлар ҳам шундай (имонингизни сир тутар) эдингиз, (сўнгра) сизларга **Аллоҳ неъмат** ато этди. **Бас, аниқлаб иш тутингиз!** **Албатта, Аллоҳ** (барча) ишларингиздан **хабардордир**» (*Niso*, 94).

Ҳадиси шарифларда ҳам ўзга шахсни куфрга чиқаришдан огоҳлантирилади. Жумладан, Имом Бухорий Ибн Умардан (Аллоҳ
ундан рози
бўлсин) ривоят қилган ҳадисда Пайғамбаримиз (аллоҳ
ундан рози
бўлсин) айтадилар: «Агар киши биродарига “Эй кофири”, деса, у (сўз) иккисидан бирига қайтади». Абу Заррдан (Аллоҳ
ундан рози
бўлсин) ривоят қилинган ҳадисда Пайғамбаримиз (у зотга Аллоҳнинг
салоти ва саломи
бўлсин) бундай деганлар: “Ҳеч бир киши бошқа кишини фосиқ, кофири, деб айбламасин. Агар у киши бундай бўлмаса, айтган гапи ўзига қайтиб келади”. Жумхур қалом ва фикҳ уламолари иттифоқига кўра, қибла ахли бўлган мусулмонни кофирига чиқармаслик керак. Абу Ҳанифа (Аллоҳнинг
рахматиги
бўлсин) қибла ахлларидан бирор кишини кофирига хукм қилмаганлар.

Бир мусулмоннинг бошқа бир мусулмонга қони, обрўси ва моли ҳурматли бўлиши лозим. Расулуллоҳнинг (у зотга Аллоҳнинг
салоти ва саломи
бўлсин) видо ҳажида айтган ушбу гаплари буни тасдиқлайди: “Ал-





ВАЛИЙЛАР ИБРАТИ

* * *

Бир киши Иброҳим Адҳамдан насиҳат сўради.

– Ёпик турганни оч, очик турганни ёп! – дедилар.

– Тушунолмадим? – деди ҳалиги киши.

– Ҳамёнингнинг оғзини оч – сахий ва очиккўл бўл, то сендан ёрдам сўраганларга фойданг тегсин. Оғзингни эса ёп, то тилингдан ҳеч кимга азият етмасин! – дедилар.

* * *

Иброҳим Адҳамнинг йўлидан бир тош чиқди. Устига: “Тошни ўгириб, ортидаги ни ўки!” деб ёзилган эди. Ўгириб: “Агар ўрганганларингга амал қилмасанг, у ҳолда нега ўрганмоқчисан?” деган ёзувга кўзи тушди. Шунда у: “Ё Аллоҳ! Сени таниган ҳеч бир банданг ҳақинг билан таниёлмайди. Шундай экан, Сендан ғофил одамнинг холи не кечади?” дея йиглади.

* * *

Иброҳим Адҳам бир киши билан дўст бўлди. Анча муддатдан сўнг, ажралишларига тўғри келди. Шунда дўсти:

– Узоқ вақт дўст бўлдик. Менда бирор камчилик ёки хато кўрган бўлсанг, айт, уни тузатай, – деди.

Шунда Иброҳим Адҳам:

– Мен сенга ҳамиша муҳаббат кўзи билан боқдим. Шу боис доимо яхшилигини кўрдим. Қачон қарасам, менга фақат фазилатларинг кўринди. Айбингни билишни хоҳласанг, бошқалардан сўра, – деб жавоб берди.

Гулбаҳор АБДУЛЛОҲ
тайёрлади.

батта, сизларнинг қонларингиз, молларингиз ва обрўларингиз ўзларингиз учун худди шу кунингиз, шу ойингиз ва шу шахрингиз каби муҳаррамadir. Шу ерда ҳозир бўлган киши ҳозир бўлмаганларга етказсин”.

Халифа Али (Аллоҳ ундан роҳи бўлсин) даврида пайдо бўлган хорижийлар фирқаси такфир тушунчасини ўзларига эргашмаганларга нисбатан қўллаган. Улар олдин ҳазрат Алиниңг (Аллоҳ ундан роҳи бўлсин) ашаддий тарафдорлари эди. “Сиффиин” жангидан сўнг ўн икки минглик кўшин билан ажралиб чиқиб, ҳазрат Алига ва Муовияга қарши баробар кураш бошлашган.

Хорижийлар қурол ишлатиш билан ўз ёзътиқодини тарқатиш ва ҳокимиятга эришишни мақсад қилишади. Улар мусулмонларни ўлдиришни ҳалол санашган. Улар “Жамал воқеаси” иштирокчилари, Усмон, Али, Муовия, Амр ибн Ос, Абу Мусо (розияяллоҳу анҳу) каби саҳобаларни ҳам куфрда айблашади. Катта гуноҳ қилган кишини коғирга чиқариб, уларнинг авлоди, моли ва жонини ўзларига ҳалол санашган. Хорижийларнинг такфир тушунчаси орқали минглаб мусулмонлар, жумладан, ҳазрат Алиниңг (Аллоҳ ундан роҳи бўлсин) ҳам ҳаётига тажоуз қилинган.

Ислом уламолари хорижийларнинг катта гуноҳ бўйича даъволарини таҳлил этиб, уларнинг гаплари исломий тушунчалардан жуда йироқ эканини таъкидлашади. Ислом тарихида хорижийлар қўллаган услуб бугун ҳам жиҳодий жамоалар мағкурасида давом эттириляпти. Улар ўзларига эргашмаган шахслар ва тузумларни коғирликда айблашади. 2005 йил июл ойида Оммон (Иордания) шаҳрида Ислом олами етакчи уламолари қабул қилган фатвода: “Тўрт сунний мазҳабга ёзътиқод қилувчиларнинг барчаси мусулмон хисобланади. Уларни имонсизликда айблаш, жонига, номусига ва мулкига қасд қилиш жоиз эмас”, деб эълон қилинган.

Шайх Юсуф Қарзовий мусулмонни коғирга чиқариш ҳақидаги саволга бундай жавоб беради: “Ким Аллоҳдан ўзга илоҳ йўқ ва Муҳаммад (У зотга Аллоҳнинг саломи бўлсин) Унинг расули эканига қалби билан тасдиқлаган ҳолда гувоҳлик берса, мусулмондир. Унга тўлалигича мусулмонларга қилинадиган муомала қилиниши лозим”.

Шайх Абдулазиз МАНСУР,
*Ўзбекистон мусулмонлари идораси
раиси ўринбосари*





ИСЛОМ ВА ОЛАМ



Араб маданияти кунлари

Нидерландиянинг Ден Бош шаҳрида араб маданияти кунлари ўтказилди. Дастур доирасида араб адабиёти ва санъати ҳақидаги хужжатли филмлар намойиш этилди, тасвирий санъат кўргазмаси очилди.

Эътиборли томони, араб маданияти кунлари тадбирларида араблардан кўра голландлар фаол қатнашишди.



Радио ишга тушади

Тез фурсатда Грузияда янги радиоканал иш бошлайди. Кавказ мусулмонлари идораси Грузия бўлими раҳбари Али Алиевнинг сўзларига кўра, айни дамда радио хизматини ташкил этиш ва эшиттиришларнинг йўналишлари муҳокама этиляпти. “Радиони очишдан мақсад мамлакатда яшаётган мусулмонлар, айниқса, озарбайжонларнинг исломий билимларини оширишдир”, дея таъкидлади Алиев.

Мусулмонлар идораси турли илмий анжуманлар ташкил этиш, китоблар таржима қилиш каби режаларни ҳам амалга ошириш ниятида.

Веб-тармоқда нодир

маълумотлар

Буюк Британия ҳукумати яқин вақтлар ичida интернетга Форс кўрфази мамлакатлари тарихига доир шу пайтгача эълон қилинмаган 500 мингдан ортиқ асарларни, йирик араб ва мусулмон олимларининг нодир қўлёзмаларини жойлаштироқчи. Мамлакат ташки ишлар вазирлигининг расмий сайти маълумотига кўра,

“Форс кўрфази бўйича Британия манбалари” деб номланган ушбу лойиҳа қиймати 9 миллион фунт стерлинг (13 милён АҚШ доллар) дир.

Лойиҳани Буюк Британия миллий кутубхонаси ва Қатар фан, таълим ва ижтимоий тараққиёт жамғармаси биргаликда ташкил этияпти. Сайтга жойлаштириладиган бир ярим миллиондан ортиқ камёб тарихий хужжатлар билан истаган киши текин танишиши мумкин.

Машхур китоблар орасида Абу Али Ибн Синонинг ҳижрий 1070 йили кўчирилган “Тиб қонунлари” китоби ҳам бор.

Янги вазир тайинланди

Саудия Арабистони қироли Абдуллоҳ ибн Абдулазиз Аҳмад ибн Абдулазизни илтимосига биноан вазифасидан бўшатиш ва шаҳзода



Муҳаммад ибн Ноифини унинг ўрнига мамлакат Ички ишлар вазири этиб тайинлаш хақида қарор қабул қилди.

Шаҳзода Аҳмад ибн Абдулазиз ўтган йилнинг 18 ион ойида вазир лавозимига тайинланган эди. Ундан олдин бу вазифани қироллик таҳтининг валиахди Ноиф ибн Абдулазиз бажарган.

Ҳамкорлик битими имзоланди

Уммоннинг “Al Madina Financial and Investment Services” ва Малайзиянинг “ACA Amanie” компаниялари исломий сармоялар соҳасида ҳамкорлик қилишга келишиб олди. Бу тўғридаги шартнома Уммон сultonligining Masқat шаҳрида ўтказилган Ислом банкинги халқаро форуми доирасида имзоланди.



“Насиб қилса, Масқатда тажрибаларимизни оширамиз ва етакчи саноат таҳлилчиларининг кучини бирлаштирамиз”, деди “Amanie” компанияси асосчиси доктор Мухаммад Довуд Бакир.

Индонезияда янги масжид

Индонезия пойтахти Жакарта шаҳрида курилиши мўлжалланган марказий масжид лойиҳаси тасдиқланди. Ушбу жоме дунёning



энг йирик масжидлари сафини тўлдиради. Янги масжид майдони тўқсон беш минг квадрат метр, ўзига бир юзу йигирма минг намозхонни сифдира оладиган ва миллий тимсолга айланган

“Истиқлол” жомеидан кичик бўлмайди.

Жакарта ҳокими Жоко Видодо бундай курилишлар шаҳар иқтисодиёти ривожланишининг рамзий белгиси эканини таъкидлади.

Гарчи лойиҳа ҳали режалаштириш босқичида бўлса-да, шаҳар маъмурияти 2013 иили курилиши бошланадиган масжид учун қулай жойларни кўздан кечиришга киришди. Асосан Жакартанинг жанубий туманларига эътибор каратиляпти.

Фазо минтақасида спорт шаҳарчаси

Фаластин ҳукумати Фазо минтақасида спорт шаҳарчасини қуриш бўйича тендер якунланишини эълон қилди. Ушбу қурилишни Қатар давлати молиялаштиряпти.

Фаластиннинг Ёшлар ва спорт масалалари бўйича вазири Мухаммад Мадхун янги шаҳарча 127400 квадрат километр майдонга эга бўлиб, Ёсин деб аталишини, Қатар ҳукумати унга йигирма беш миллион доллар ажратганини маълум қилди. Бу ерда халқаро стадион, ўйин майдонлари, жамоалар учун меҳмонхоналар, сув спорти саройи, маъмурий бинолар ва бошқа хизмат кўрсатиш шоҳобчалари қурилади.

“Ёсин” спорт шаҳри барча фаластинликларга бирдай фойдали, юртимизнинг дикқатга сазовор масканларидан бирига айланади”, деда ишонч билдириди вазир Мухаммад Мадхун.

Ислом билан қўрқитишга қарши

Оврупада шу йилнинг ноябрь “Исломофобияга қарши қураш ойи” деб эълон қилинди. Ой давомида мусулмонларга қарши нафрат уйғотишига хизмат қилаётган ахборотлар, масалалар ва уларнинг ечимларига қаратилган бир қатор тадбирлар ўтказилди. Лондонда бошланган ушбу ҳаракат жуда кўп диний ва сиёсий ташкilotлар эътиборини тортидиган.



Тадбирларда ҳуқуқни ҳимоя қилиш, таълим ва қонунчилик соҳасининг кўзга кўринган вакиллари қатнашяпти. Лондондаги йиғинда сўз олган британиялик адвокат Имрон Хон оммавий ахборот воситаларида Исломни ёмонотлик қилиш билан мусулмонлар номидан турли жиноятларни ташкил этишнинг ўзаро боғлиқ эканини таъкидлади.

Олмонияда янги ўқув юрти

Олмониянинг Оsnabрюк шаҳрида Ислом институти очилади. Ушбу илм маскани Мюнстердаги Ислом билим юрти қаторида мамлакатнинг йирик исломий таълим марказларидан бирига айланади.



2012–2013 ўкув йилининг қиши мавсумидан бошлаб Оsnabрюк институтида 47 нафар талаба ўқий бошлайди. Ушбу илм даргоҳида 2010 йилдан бери имомларга олмон тилидан таълим бериб келинаётган эди. Мамлакат ҳукумати Ислом марказларига йигирма миллион евро маблағ ажратди. Оsnabрюк ва Мюнстердагидан ташқари Тюбинген, Франкфурт Гиссен ва Эрланген Нюрнберг шаҳарларида ҳам Исломни ўрганиш марказлари бор.

Ҳозир Олмонияда тўрт миллиондан ортиқ мусулмон яшайди.

Интернет материаллари асосида тайёрланди.

САМУД ҚАВМИ

Самуд қавмининг кўкаламзор ерлари кўп бўлиб, боғларидан ариқ ва анхорлар оқиб ўтарди. Самуд қавми ҳам Од қавми сингари иморат қуриш, зироат экиш ва боғлар барпо этиш билан машҳур эди. Улар бинокорлик ва саноат ишларида Од қавмидан ўзиб кетишиди. Тоғлардан тошлар кесиб, баланд, гўзал уйлар қуришар ва тошларга гўзал нақшлар солишарди. Ақллари ва хунарлари сабабли тошлар гўё уларга лойдек юмшоқ бўлди.

Уларнинг шаҳарларига кирганлар турли ажойиботларни, осмонўпар қасрларни кўрарди. Уларнинг баҳтига ёмғир кўп ёғар, далала-ри ям-яшил, боғ-роғларида эса мева-чевалар мўл-кўл бўларди. Аллоҳ уларга ризқда ва умрда барака берган эди.

Лекин бу неъматлар Самуд қавмини Аллоҳ таолога шукр ва ибодат қилишга ундей олмади. Аксинча тўқлик уларни куфр ва туғёнга бошлади. Аллоҳни унутдилар. Ўзларига бе-рилган неъматлардан мағрур бўлиб: “Биздан кувватлироқ яна ким ҳам бор?! Биз ҳеч қачон ўлмаймиз, боғу қасрларимизда манг қоламиз”, дердилар. Улар Нуҳ қавми водийда яшагани учун ғарқ бўлган, Од қавми эса пасттекисликда яшагани учун ҳалок бўлган деб ўйлар, ўзларини ўлим ва хавфдан бехавотир маконда деб билардилар.

Бу адашган қавм Нуҳ ва Од қавми сингари тошлардан санамлар йўниб, уларга ибодат қила бошлади. Аллоҳ таоло уларга тошларни бўйсундирган эди, лекин ақл кўзлари кўр бўлиб, тошларга сифинишиди.

“Шубҳасиз, Аллоҳ инсонларга бирон зулм-адолатсизлик қилмас, балки инсонлар (Яратганга имон келтирмасликлари билан) ўзларига ўзлари зулм қилурлар” (Юнус, 44).

Йўниб олган тошлари ҳеч бир фойда бермас, мабодо ундан юз ўгирсалар ҳам, ҳеч бир заарар етказолмасди. Самуд қавми бу ҳақиқатни билишни истамади, бу тўғрида ўйламади ҳам.

Аллоҳ таоло Нуҳ ва Од қавмига элчи юборганидек уларга ҳам элчи жўнатишни ирода қилди. Қавмда шарафли хонадонда туғилган, қобилиятли, зеҳни ўтқир ва ҳалол бир бола бор эди. Одамлар у ҳақида: “Солиҳ яқин ора-

да улуғ мартабага эришади – одамларнинг энг шарафлиси, энг бойига айланади, гўзал қаср ва катта боғлари бўлади”, каби башоратларни айтарди.

Бироқ Аллоҳ ўзга нарсани ирода қилди. Солиҳни (у зотга Аллоҳнинг саломи бўлсин) нубувват билан улуғлаб, қавмини зулматлардан нурга чиқариши учун элчи этиб юборди.

Солиҳ (у зотга Аллоҳнинг саломи бўлсин) қавмининг хузурига бориб баланд овоз билан: “Эй қавмим, Аллоҳга ибодат қилингиз! Сизлар учун Ундан ўзга бирон илоҳ йўқдир” (Худ, 61), деди. Қавмнинг бойла-ри майшат ва ўйин-кулги билан банд эди. Улар фазабланиб: “Ким бу?” деб сўрадилар. Қавмнинг факирлари: “Бу Солиҳдир”, деб жавоб берди-лар. Бойлар: “Нима деяпти ўзи?”, дедилар бе-писандлик билан. Камбағаллар: “Аллоҳга ибодат қилинглар, ундан бошқа илоҳ йўқ ва албатта. Аллоҳ сизни ўлганингиздан сўнг қайта тирилтиради, жазо ёки мукофот беради. Мен Аллоҳнинг элчисиман, деяпти”, дедилар. Бой-ваччалар эса кулиб: “Эй мискинлар! Унинг на қасри ва на боғи, на хўжалиги ва на хурмолари бор! Қандай қилиб элчи бўла олади?” дедилар.

Одамлар Солиҳга (у зотга Аллоҳнинг саломи бўлсин) эргашиб кетаётганини кўрган бойлар: “Бу ҳам худди сизларга ўхшаган одам. У ҳам сизлар ейдиган нарсадан ейди, сизлар ичадиган нарсадан ичади. Қасамки, агар сизлар ўзингизга ўхшаган одамга итоат қилиб (ўз бутларингиздан кечсангизлар) у ҳолда албатта, зиён кўргувчи дирсизлар. У сизларга ўлиб тупроқ ва суюкларга айланганингиздан кейин, албатта, (қабрларингиздан) чиқарилгувчи дирсизлар, деб ваъда бермоқдами? Сизларга ваъда қилинаётган нарса жуда-жуда узоқдир. Ҳаёт фақат шу дунёдаги ҳаётимиздир. (Айримларимиз) ўлсак (бошқаларимиз) ҳаётга келаверамиз. Биз ҳеч қайта тирилгувчи эмасмиз. У (яъни, Худ) фақат Аллоҳ шаънига ёлғон тўқиган кимсадир. Бизлар унга ҳеч имон келтиргувчи эмасмиз” (Муъминин, 33–38), дедилар.

Шундай қилиб одамлар унга эргашмади, коғир бўлиб, имон келтирмади. Солиҳ



(у зотга Аллохнинг саломи бўлсин) уларга ваъз қилганида: “Эй Солих, сен қобилиятили ва тўғрисўз бола эдинг. Бизлар сени одамларнинг энг шарафлиси бўлади деб ўйлардик. Бундай бўлмади. Сенинг тенгқурларинг гарчи сендан ақлли бўлмасалар-да, кибор кишиларга айланди. Сен эса факирлик йўлини тутдинг. Сен ҳақингда янглиш фикр қилган эканмиз. Умидларимизни пучга чиқардинг. Отанг мискин-бечора эди. Сендан унга яхшилик етмади. Онанг ҳам мискин-бечора эди. Сен учун қилган ҳаракатлари зое кетди”, дедилар.

Солих (у зотга Аллохнинг саломи бўлсин) қавмини ҳикмат ва юмшоқлик билан Аллоҳга даъват қилишда давом этди: “Мен бу (даъватим) учун сизлардан ажр-мукофот сўрамайман. Менинг ажр-мукофотим фақат барча оламларнинг Парвардигори зиммасидадир” (*Шуаро*, 145). “Эй қавмим, нега менга итоат қилмайсизлар? Нима учун одамларга зулм қиладиган, уларнинг молларини ейдиганларга ва ерда бузғунчилик ва фасод қилиб, солиҳ амал қилмайдиган кимсаларнинг сўзига киравсизлар?” Бу сўзларга қавмдагилар жавоб то-полмай қолди ва: “Ҳеч шак-шубҳасиз сен сеҳрланган, ақлдан озган кимсалардандирсан. Сен ҳам худди бизларга ўхшаган одамдирсан. Бас, агар (пайғамбарман деган даъвойингда) ростгўйлардан бўлсанг, бирон оятмўъжила келтир!” (*Шуаро*, 153–154) дейишиди.

Солих (у зотга Аллохнинг саломи бўлсин): “Қандай хужжат (далил) истайсизлар”, деди. Улар: “Бизга мана бу тоғдан ҳомиладор туюни чиқар”, дедилар. Албатта одамлар, тия на тошдан ва на ердан униб чиқмаслигини, уни факт тия дунёга келтира олишини билардилар. Солихнинг (у зотга Аллохнинг саломи бўлсин) ожиз қолишига ва ўзларининг эса муваффақият қозонишларига ишондилар. Раббисига имони кучли бўлган, У барча нарсага қодир эканини билган Солих (у зотга Аллохнинг саломи бўлсин) Аллоҳга дуо қилди. Илтижолари қабул бўлиб, одамлар талаб қилган мўъжила амалга ошиди. Тоғдан ҳомиладор тия чиқиб, бола туғди. Одамлар ажабланиб, даҳшатга тушдилар. Шундай бўлса-да, қавмдаги бир кишидан ўзга ҳеч ким имон келтирмади.

Солих (у зотга Аллохнинг саломи бўлсин): “Бу Аллоҳнинг туси, Унинг хужжатидир! Сўраган эдинглар. Қудрати билан яратди. Бу туюни хурмат қилинглар. “Бас, уни Аллоҳнинг ерида ўтлаб юришига қўйиб берингиз ва унга бирор ёмонлик етказман-

гиз. Акс ҳолда сизларни яқин (фурсатда) азоб тутар” (*Худ*, 64), деди.

Туя жуда баҳайбат эди. Шунинг учун одамлар бокадиган чорва-ҳайвонлари ундан кўрқиб, қочиб кетарди. Буни кўрган Солих (у зотга Аллохнинг саломи бўлсин): “Бир кун тия сув ичади, бир кун чорваларингиз сув ичади”, деди. Лекин қавм кибрланиб: “Нима учун чорваларимиз ҳар куни сув ичмас экан”, деб ғазабланди ва туюдан қутулиш йўлини қидира бошлади. Солихнинг (у зотга Аллохнинг саломи бўлсин) туюни таҳқирлашдан сақланиш ҳақидаги огоҳлантиришлари зое кетди.

Қавмдагилар: “Ким бу туюни ўлдиради”, деган масалани ўртага ташлашди. Бир киши туриб: “Мен ўлдираман”, деди. Бошқа бири: “Мен ўлдираман”, деб унга қўшилди. Иккита бадбаҳт бориб, туюнинг келишини пойлаб ўтириди. Туя ташқарига чиқиши билан биринчиси ўқ отди. Иккинчиси эса уни сўйиб, ўлдириди.

Туюнинг сўйилганини билган Солих (у зотга Аллохнинг саломи бўлсин) афсус чекиб, қаттиқ хафа бўлди ва одамларга: “Ўй-жойларингизда уч кун (тириклик неъматидан) баҳраманд бўлингиз. Мана шу чин ваъдадир” (*Худ*, 65), деди.

Учинчи куни уларга азоб келди. Ўша куни одатдагидек тонг оттирган қавм кучли зилзила овозини эшитди. Бу овоз юракларга даҳшат солди, уйларни хароб қилди. Одамларнинг барчаси ўлиб, шахар вайронага айланди.

Солих (у зотга Аллохнинг саломи бўлсин) ва мўминлар ўша шаҳарни ташлаб кетдилар.

Шаҳардан чиқиб кетаётган Солих (у зотга Аллохнинг саломи бўлсин) ўлиб ётган қавмига боқиб, афсус билан: “Эй қавмим, мана, мен сизларга Парвардигоримнинг динини етказдим ва сизларга насиҳатлар қилдим. Лекин сизлар холис насиҳат қилгувчиларни севмайсиз” (*Аъроф*, 79), деди.

Шомга кетаётган чоғларида Самуд диёридан ўтган Расулуллоҳ (у зотга Аллохнинг саломи ва бўлсин) асхобларига: “Ўз жонларига зулм қилганларнинг масканларига кирманглар. Агар кирсангиз ҳам уларга етган нарса сизларга етиб қолишидан эҳтиёт бўлган ҳолда, у ерга йиғлаган ҳолатда киринглар”, дейа насиҳат қилганлар.

*Абул Ҳасан Надавийнинг
“Пайғамбарлар қиссалари” асари асосида
ФАЙЗО
тайёрлади.*



Илтижоларимни қилгин ижобат...

Бойжигит АБДУЛЛАЕВ

МЕЗБОН БҮЛМАДИМ

Елкангда күтариб топтирдинг камол,
Мехринг оғушида кўрмадим завол.
Бўлмаган сен каби сермеҳнат аёл,
Айланиб, ўргилдинг, ёмон бўлмадим.

Баъзида сендан ҳам ёр бўлди улуғ,
Онам, дийдорингдан кор бўлди улуғ,
Мансабли, юкли бир нор бўлди улуғ,
Сўнгги сафарингда сарбон бўлмадим.

Бугун мангу юмуқ кўзинг, қароғинг,
То абад чимрилмиш қошинг, қабоғинг.
Онажон, оғримас энди оёғинг,
Не қилай, дардингга дармон бўлмадим.

Биламан, бир куни сирли тонг келар,
Шоҳу гадонинг ҳам ҳоли танг келар.
Нурли дийдорингдан хабар, бонг келар,
Бу фоний дунёга султон бўлмадим.

Дедим Худойимга: содик қулингман,
Онам, чаманингда ўсган гулингман.
Бир мажнун шоирман, далли улингман,
Мадҳингни битишда бийрон бўлмадим.

ФАРЗАНД НОҚОБИЛ БЎЛСА

“Тойчок” фильмини кўриб

Кирап барвақт оғриқ жисмингга,
Танангдаги жами қисмингга.
Келармиди исмингга,
Агар фарзанд ноқобил бўлса?

Гарчи юзинг эмасдир чўтири,
Гарчи қўлинг босмаган қўтири.
Давраларда бош эгиб ўтири,
Агар фарзанд ноқобил бўлса.

Хаёлларинг элтади сойга,
Дил сўзингни айтарсан ойга,
Билолмайсан бормоқни қайга,
Агар фарзанд ноқобил бўлса.

Йиғла, душманларинг кулдириб,
Бўзлагин ранг-рўйинг сўлдириб,
Гапирма оғзингни тўлдириб,
Агар фарзанд ноқобил бўлса.

Гулистон шаҳри

Фариждун ОЧИЛОВ

СОҒИНЧ

Сени юрагимдан соғиниб яна
Кучогингта қайтдим, она кишлоғим.
Шўх насим қалбимни эркалаб чертган
Покиза тонгларим, ясанган боғим...

Қизқўргон бағрида эсган шабада
Хушбўй ҳаволарни урад димокка.
Яйратиб, ғуборни ювиб юракдан
Фам-алам, ташвишни қувар йирокқа.

Қиличбулоғингнинг зилол сувлари
Гулгун ҳаётингга қўшар кўрк, умр.
Бунда азизларнинг қадамжолари
Ҳар бир фарзандингнинг суюнчиғидир.

Интилсам орзуга тутиб қўлимдан
Самога бўй чўзди Хўжабаркўх тог.
Абдураҳмон ибн Авғ кароматидан
Зим-зиё йўллар ҳам мен учун порлок.

Работ Али, Шоҳмар, Туягум, Қўргон –
Бир чимдим тупроғинг олтиндан аъло.
Ҳар бир тошинг, майсанг менга бир Ватан,
Майнин шамолларинг қалбимга оро.

Сени ўйларканман, шундай – хаёлан,
Босолмай ўзини ҳаприқар юрак.
Қанийди шу дамда қуш бўлиб учсан,
Бағрингга отилсан мисоли гўдак.

Оҳ! Қанийди сендан асло кетмасам,
Дийдорингга тўйсам то танда бор жон,
Нетай кечолмасман орзулардан ҳам,
Бир кун оғушингга қайтаман, ишон...

Қашқадарё



Ҳабиба БУРҲОН қизи**АРЗИМАС**

Бой кишига ҳавас қилсанг ногаҳон,
Камбагалга назар ташла бир нафас.
Чин камбагал мен ўзимман десанг гар,
Дарбадарга назар ташла бир нафас.

Ёлғизман, деб қақшаб қолса юрагинг,
Дўстларинг-ла доим бўлгин ҳамнафас.
Сўнг ибодат айла Эгамга холис,
Сано айтар Унга ҳатто хорухас.

Ҳар бир кундан яхшиликни ахтаргин,
Ташла қадамингни ўнгга, сўлгамас.
Асабларинг эзғилашга ҳеч қачон
Бу дунёлар асло, асло арзимас...

ЙИГЛАМА

Қўй, йиглама, болажоним,
Юзингга ёш қўнмасин.
Қўлинг калта бўлса бўлсин,
Қалбинг мажруҳ бўлмасин.

Ота-она бошин эгган
Оқпадарлар йигласин.
Сен йиглама кўзқарогим,
Қалбинг мажруҳ бўлмасин.

Юрагингнинг ҳар уриши
Эзгулиқдан сўйласин.
Аллоҳ йўлин тутгин, токи
Қалбинг мажруҳ бўлмасин...



Галлаорол

Рустам МИРВОХИД

* * *

Дўстни дўст қиломайсан эътиборинг бермасанг,
Ёрни ёр деёлмайсан ихтиёринг бермасанг.
Бу икки шахсни жаҳонда тополмайсан ҳеч қачон
Ҳар бирига жон тикиб, йўғу боринг бермасанг.

ҲАҚИҚАТ

Ҳақиқатни дерлар: бир аччиқ даво,
Унинг заҳридан гоҳ тўкилар ёшлар.
Вах, куёш юзларга сочганда зиё,
Айт, нечун чимрилар одатда қошлар?!

* * *

Зериктириб қўйди лабимда кулгу,
Бошимга урайми қўнгил доғини.
Истайман ундан-да ширинроғию
Қистайман бундан-да аччиқроғини.

Пирпирап шам бўлиш менга хос эмас,
Ё сувнинг томчиси эмасдир матлуб.
Менга қуёшда йўқ оташ бўлса бас,
Менга уммонда йўқ гирдобдир марғуб!
Зериктириб қўйди дунёвий қайгу...

* * *

Телба Мажнуналарнинг кўнгил ишидан
Ҳатто Афлотуннинг фикрати ожиз.
Ташбеҳ боли томди қалам нишидан:
Қачон ариқчага сиғиби денгиз?!

* * *

Ҳар бўёқда Сенинг рангинг бор,
Ҳар товушдан келади сасинг.
Ҳар учқунда ялтирайдурсан,
Ҳар томчида, оҳ, Сенинг аксинг.

Муҳринг бордир ҳар бир заррада,
Ҳар қаричда намоёндирсан.
Сен – ҳар недан кўхнасан буткул,
Ва ҳар недан навқирондирсан!

Фарғона

Комил МАЖИД**МУНОЖОТ**

Ҳақдан нур ёғилсин – дилга ҳидоят,
Кўксим нурга тўлар, тилимда оят.
Васлинг сўрадим, васфингни қилдим
Имоним бутун қил, бер сабр-тоқат.

Адашмай йўлингдан, тўғри қадам қил,
Одамни муносиб ҳазрат одам қил,
Холик фақат Ўзинг, бизга карам қил,
Ризолик топайлик охир, ниҳоят.

Вақт келиб жон берсак, Ўзинг оларсан,
Барча фоний, Ўзинг боқий қоларсан,
Кўнглимдан ўтганин Ўзинг биларсан,
Билмаганим билдир, билолсам шояд.

Бегубор қалбимни доғ босди, тавба?
Имон заиф бўлди, тоғ босди, тавба?
Кўзим парда босди, ёғ босди, тавба?
Кўзни оч, дилни оч, топай – шифоят.

Аллоҳ! Бандам дегин, қуллик қилайин,
Ҳақ деб чорлаганга эллик қилайин.
Тавбалар қилайин, тавба қилайин,
Илтижоларимни қилгин ижобат...

Бахмал

ШИРИН СҮЗ – ЖОН ОЗИГИ

Инсон ўз мақсад ва орзуларини сўз билан ифода этади, меҳру садоқати ва муҳаббатини билдиради. Пок диллардан самимий сўзлар чиқади. Самимилик сўзниң таъсир кучини оширади, боишқалар қалбига тезроқ етиб боради. Самими айтилган аччиқ ҳақиқатлар, аччиқ сўзлар эши-түвчининг иззат-нафсига тегмайди. Ҳар бир сўзни етказиш йўллари, ҳар бир жумланинг таъсир чегараси бор. Хоҳ катта, хоҳ кичикка салом бериб ўтишидан тортиб, “Сөг-саломат юрибсизми?” деган сўзларгача турли-туман муносабат ва кайфиятларни ифодалайди.

Яхши сўз билан одамнинг кўнгли тоғдек кўтарилади, бошига мусибат тушган одамга бир оғиз ширин сўз катта мадад бўлади. Чунки ширин сўз кишилар руҳиятига илиқлик олиб киради. Ширин сўз воситасида битмаган ишининг битади. Бу ҳолни, айниқса, фарзандларимизни тарбиялаш жараёнида яккол кўриш мумкин. Шўх болаларни дўқ, пўписа билан тўғри йўлга солиб бўлмайди.

Сикилган кишига қулгу баҳи этмоқ –
Ботмон қант бергандан, билгил, яхшироқ.
Абдураҳмон ЖОМИЙ

Улар сизнинг қаҳрингиз, қаттиқ бакир-чакирингиздан кўркиши мумкин, аммо ҳурмат қилмай кўяди, тобора тўполнончи, қулоғига гап кирмайдиган, бирон иш қилмоқчи бўлса, сиздан ҳайиқадиган, кейинчалик алдайдиган бўлиб қолади. “Яхши гап билан илон инидан чиқади”, деб бекорга айтишмаган.

Яхшилик ширин сўздан бошланади. Чунки ширин сўз – қалб овози, жон озиғи, ёмон сўз эса қаҳру ғазаб ифодаси, юракка санчиладиган тиғдир. Дарз кетган қалбдан сўрашибди:

– Сенга нима бўлди? Тиф тегмаса ҳам дарз кетибсан-а?

– Тифдан ҳам ёмон нарса – заҳарли тил тегди, – дебди қалб. – Энди бу жароҳат битиши қийин.

Сўз отилган ўқ кабидир, уни қайтариб бўлмайди. Ўйламай айтилган аччиқ сўз кетидан қанча узр сўраманг, кеч бўлади. Кўрслик, хунук сўз айтиш билан киши аввало ўз обрўсини тўқади. Жамоат орасида чиройли гапириш қандай яхши! Аммо даврадагиларнинг мақтаниш учун сўзлашлари донолик нишонаси эмас.

Одамлар кўп гапнинг эмас, ширин сўзниң гадоси бўлишади.

Ширин тил, самимий муомала оилани ҳам мустаҳкамлайди. Аччиқ тил заҳрини ширин муомала билангина кесиш мумкин. Тил билан дил ҳамоҳанг бўлгандагина, ширин сўзлилик шахснинг фазилатига айланади.

Кексалар: “Ширин сўз, ақлли фикр билан дўст орттирасан, аксинча бўлса, душман кўпайтирасан”, дейишади.

“Қобуснома”да сўзлаш санъати ҳақида қуйидагиларни ўқиган эдик: “Халқ олдида сўзинг гўзал бўлсин, уни халқ қабул қилсин. Халойиқ сенинг сўз билан баланд даражага эришганингни билсин, чунки кишининг мартабасини сўз орқали биладилар”. Атрофга назар ташламай, ёнидагиларнинг руҳий ҳолатларини эътиборга олмай, қичкириб ёки хаҳолаб ўтириш одобдан эмас.

Яқинда автобусда кетаётгандим, йўловчилар тирбанд. Орқа ўриндикларда қизийигитчалар сухбат қилиб кетишаётпти. Қизларнинг оғзида сақич, онда-сонда пуфакчалар чиқазиб, арзимаган нарсалар ҳақида баҳслашиб боришарди. Ёнларида кекса она-

хон ва отахонлар борлиги-ни сезишмайди гўё. Афсус, бундай манзарани кўп учратамиз.

Аслида, одам боласи онадан ёмон одат билан туғилмайди. Бироқ бошқалардан ёмон одатларни юқтириши мумкин. Шунинг учун фарзандларимизда чиройли муомала, сўзлаш маданиятини тарбиялашга ҳам жиддий эътибор қаратишимиз керак.

Янги Зелландияда бошқаларга қўполлик, дағаллик қилган кишига қонун бўйича катта жарима солинаркан ёки жавобгарликка тортиларкан. Олимлар: “Рухий нотинчлик тез қаритади”, дейишади. Дарҳакиқат, оғир руҳий эзилиш, изтироблар кишининг ташқи қиёфасини ҳам ўзгартириб юборади. Яхши сўзли одам инсонпарвар, кўнгли беғубор, доимо бирорларнинг хатосини кечирадиган, кенг-феълли, ҳаммага табассум улашади. Атрофдагиларни хурматлаб, яхши муомала қиласиганлар учун Полшада “Табассум” ордени таъсис этилган. Сўзимни Умар Хайёмнинг рубойиси билан яқунламоқчиман:

Дунёнинг тилаги,
самари ҳам биз,
Ақл кўзин қораси –
жавҳари ҳам биз.
Тўгарак жаҳонни
узук деб билсак,
Шаксиз унинг кўзи –
гавҳари ҳам биз.

Тўхтахон РАҲИМОВА,
маънавият тарғиботчиси

Шоир, тариқат шайхи, йирик фақих, шариат илмларининг билимдони Сўфи Оллоҳёр асарлари динимиз ва адабиётимиз тарихидан муносиб ўрин эгаллаган. Улкан ижодкорнинг “Саботул ожизин”, “Маслакул муттақин”, “Муродул орифин” каби китобларини форсий ва туркий тилда сўзлашувчи мусулмонлар эъзозлаб, ўқишиди. Яқинда “Sharq” нашриётматбаа акциядорлик компанияси Сўфи Оллоҳёрнинг ана шу асарларидан бири “Маслакул муттақин”ни чоп этди.

ТАҚВОДОРЛАР МАСЛАГИ

Китобни нашрга тайёрловчилар асар ёзилиши сабабларига тўхталиб, бундай дейишади: “Бизнинг назаримизда, бу китобнинг ёзилиш сабабларидан яна бири Сўфи Оллоҳёр яшаган даврларга келиб, одамларда диндорлик, тақвонинг бир қадар сусайиши, натижада ахлоқсизликнинг кучайиши (бемехрлик, шаробхўрлик, зинокорлик, фахш, зулм ва зўравонликнинг кенг авж олиши) бўлган”.

Форс тилида, назмий услубда ёзилган асарни туркий тилга “Хидоятул муттақин” деган ном билан Кўзихўжа Ҳафизхўжа ўғли насрый таржима қилган. Китоб Аллоҳ таолога ҳамд ва Мухаммад Пайғамбаримизга (у зотга Аллоҳнинг саломи будини) наът билан бошланади. Ундан кейин муножот, тавҳид ва Аллоҳ таолонинг сифати, Ҳақ таоло дийдорини кўриш, имон келтириш, чорёллар мадҳи, мусаннифнинг фарзандига насиҳати, мусулмончиликнинг беш шарти каби мавзулар атрофида мулоҳаза юритилади.

Муаллифнинг олам ва одам, Ислом тарихига доир фикрлари, замон ва жамиятга муносабати ҳамд қисмида теран ифодаланган.

Ҳар бир ота ўзи қилган хатоларини фарзанди такрорламаслигини, болаларининг етук инсон бўлишини орзу қиласи. Китобнинг “Фарзанди аржумандга насиҳат” бўлимида меҳрибон ота ўғлини икки дунё саодатига бошлидиган амаллар қилишга чақиради. “Отанг умрини жоҳилликда ўтказди. Сен эса енгил-елпи яшаш ва ишлашга ўрганма. Мен пасткаш дунёга мағрур бўлдим. Сен эса (унга кўл силташ учун) пухталикка ўрган-у, хом бўлма”, дея ёшлик билан ғурурланмай, вақтни фойдали ишларга сарфлашга, тақводорликка, тўғри йўлни тутиб, ҳамиша ҳалол меҳнат қилишга, тамадан, мансабпарастлик ва мол дунёга ўчликдан, дангасаликдан йироқ бўлишга даъват этади. “Муножот”, “Мусанниф камчиликларининг баёни” боблари муаллиф дил дардлари баёни экани билан аҳамиятли. Мазкур бобларда аллома ожизлигини изҳор қилиб, Аллоҳ таолодан гуноҳларини мағфират қилишини сўрайди, кишиларни яхшиликка ундейди.

Мадрасаларда илгаридан маҳсус дарслик сифатида ўқитиб келинган “Маслакул муттақин” бугун ҳам илм толибларига фикҳ, ақида ва одоб-ахлоқ бўйича муҳим қўлланмадир.

Зумрад ФОЗИЛЖОН қизи

ҚАНОТ ЖУФТ БЎЛАДИ

Фотима опа Отахонова мактабда қирқ йилдан ортиқ математика фанидан дарс берадилар. Турмуши ўргоги, техника фанлари доктори Абдурашид Отахонов билан беш ўгил, бир қизни вояга етказишиди. Суҳбатимиз мавзуни Фотима опанинг ўзлари белгиладилар.

— Суҳбатларда, матбуот ва радио-телевидениеда ёшларни оиласвий ҳаётга тайёрлаш хақида гап кетганида, кўпроқ қизлар тарбиясига эътибор қаратилади. Оналару бувижонлар қизлари улғайгани сайин: “Сен келажакда бошқа хона-донга келин бўласан. Шунинг учун бундай бўлишинг керак, мана бунақа ишларни ўрган”, деб огоҳлантириб туришади. Албатта, бу жуда яхши анъана. Лекин қуш парвози иккала қаноти ҳам соғломлиги, қувватига боғлик бўлгани каби, оила мустаҳкамлиги, тинч-тотувлиги ҳам эр ва хотиннинг рўзгор юкини биргаликда, аҳилликда кўтаришига боғлиқ. Қолаверса, хонадоннинг моддий ва маънавий фаровонлигига, соғлом, ақлли-ҳушли фарзандлар улғайишида эрнинг масъулияти катта бўлади. У оиланинг бошлиғидир. Демак, ота-оналар, атрофдагилар, жамият ўғил болаларни бир рўзгорни чиройли бошқара оладиган ақлли, илму ҳунарли, меҳр-муҳаббатли, уддабурон инсонлар килиб вояга етказишига интилиши керак.

— Фотима опа, ҳар хил вазият бўлади. Баъзи масалаларда ҳатто эру хотиннинг фикрлари ҳам бир жойдан чикмай қолиши мумкин. Сизлар болалар тарбиясида қандай йўл тутардингиз?

— Аёл киши табиатан кўнгли юмшоқ, шу сабабли боласини ҳадеб авайтайверади. Эрим жуда талабчан, харакатчан эдилар. Илм кишиси бўлсаларда, уйда, дала ҳовлида худди дехқонлардек ишлардилар, рўзгорга керак бўладиган меваю сабзавотларни ўzlари етиширадилар. Ўғиллар мактабга боришдан олдин кўлига тешаю кетмон олиб, дадаси билан меҳнат қилишни бошлашган. “Болани ёшлигидан меҳнаттага эгилтириш керак”, дердилар. Дала ҳовлида ишлаган кунлари кечки пайт ҳолдан тойиб қайтишарди. Онаманда, уларнинг ахволини кўриб раҳмим келарди. Аммо ўша пайтда мен: “Чарчадингми? Қийналдингми?” десам, отасининг хурматини бир даражага пастга тушириб, ўзимни яхши қўрсатишга уринган бўламан. Шунинг учун доим: “Даданг тўғри айтадилар. Шундай қилишларинг керак”, деб ургу берардим. Лекин болани ишлатишнинг йўл-йўриклиари бор. Унга топшириқни бериб, ўз ҳолига ташлаб қўйсангиз ҳам бўлмайди. Домла ўғилларига олдин ҳамма ишни бир-бир ўргатардилар: ер қандай чопилади, экин қандай экилади, кузда дарахту токларнинг қайси шохи қолдирилиб, қайсиниси кесиб ташланади – ҳаммасини қўрсатиб берардилар. Кейин ўғилларимиз каттароқ бўлганда бозорга бирга олиб борадиган бўлдилар. Рўзгорга нималар харид қилиш керак, ниманинг қанақасидан олган маъқул, сочувчи билан савдолашиб, олди-сотдида икки томоннинг рози бўлиши – ҳаммасини эринмай тушунтирадилар. “Бекорчиликдан бемаънигарчи-

ликлар келиб чиқади”, деб, боланинг бўш қолишига ҳеч имкон бермасдилар. Сира ёдимдан чикмайди: бир куни эрталаб ишга кетаётib ўғилларига ҳовлидаги мингта гиштни кечгача бошқа томонга ташиб қўйишни буюрдилар. Ҳозирча ишлатилмаётган, ўзи бир чеккада турган гиштни бошқа томонга кўчиришдан мақсад нима эканини тушунолмадим. Кечкурун секин сўрасам: “Ҳайрон бўлманг, меҳнат доимий эҳтиёжига айлангунча, болани бўш қўймаслик керак. Бошқа иш тополмадим, яна бир куни жойига ташиб қўямиз”, дедилар.

Болаларнинг олдида ҳар қандай масалада бир-бири мизни қўллаб-қувватлаб турардик. Агар мен уларга насиҳат қилсам, дадаси гапимга сира аралашмасдилар. Агар эътиrozлари бўлса, кейин ўзимга айтардилар.

— Атрофдагиларга муомала, муносабат маданиятини, аёлларни хурматлаш, офирини енгил қилишни бола аввало оиласда ўрганади...

— Биз “Бола мустақил ҳаётини йўлга қўйгунича ота-онасига бўйсуниши керак”, деб уларнинг онгига сингдирганмиз, шунинг учун гапимизни сира икки қилишмади. “Уйланганидан кейин ҳам уй ишларининг ҳаммасини хотинга ташлаб қўйиш яхши эмас. У ҳам чарчайди, ўзининг иш-ташвишлари бор. Касал бўлиб қолса ёки фарзанд кўриб тугруқхонада ётса, бу ишларни билганинг аскатади”, дердим. Дадаси талабчан ва қаттиқўл бўлсалар-да, мени ва Умидахон қизимизни жуда авайлардилар. Хотин-қизларга нисбатан худ-



ди шундай муносабатни энди ўғилларимда кўраман. Катта ўғлимиз уйланганида, келинимиз талаба эди. Шунда болалар: “Кеннойимнинг ўқиши учун шароит яратиш керак. Биз уй ишларини олдингидек навбат билан бажараверамиз”, дейишиди.

– Фотима опа, ўғилларинг ҳаммаси олий маълумотли, айримлари бир неча соҳа бўйича мутахассис, икки-уч чет тилини ҳам билишади. Бунинг учун алоҳида шароит яратганимисизлар?

– Ўқ, айримларга ўхшаб: Бу болам ўзгача, алоҳида қобилиятли. Фақат ўқиши керак”, деб бошқаларидан ажратиб, ҳамма нарсани тайёр қилиб бермаганимиз. Уларнинг мактабдаги ўқиши, ўзини тутиши, юриш-туришига эътиборли бўлганмиз, дарсдан кейин ўз ҳолига ташлаб кўймаганимиз. Ҳатто институтда ўқиётганида дарсларга қатнашиши, кимлар билан дўстлашиб, нималар билан шуғулланиши доим назоратимизда эди. Баъзida болалар имтиҳон ёки ёзма иши борлигини, шунга тайёрланиши кераклигини айтишса, дадаси: “Яхши, тайёрланинг. Лекин олдин ҳаммамиз учун керак бўлган мана бу ишни бажариб кўйишимиз керак”, дердилар. Баъзан: “Ёзувчилар ёки журналистлар замондан икки-уч қадам олдинда юриши керак”, деган гапни эшитамиз. Фикримча, ота-оналар ҳам келажакни олдиндан кўра билиши, дунё таракқиёти қаёқка қараб кетаётганини англаши ва болаларини шунга мослаб ҳаётга йўналтириши керак.

Домла янги аср илгор техника ва компьютер асли бўлади, деб болаларга ўшлагидан компьютерда ишлашни ўргатдилар. Ўзлари рус, испан тилини лутфлари билан яхши би-

лардилар. Ёшлари олтмишга яқинлашганида, инглиз тилини ўргана бошладилар, ҳар куни икки соат шуғулланардилар. Ҳар бир ишда ўrnak бўлиб, кейин болалардан ҳам иш ва ўқишига мана шундай жиддий киришишни, яхши натижаларга эришишни талаб қиласидилар.

– Фарзандлар улғайгани сари уларнинг ҳам ўз фикр-мулоҳазалари қатъийлашиб боради. Ота-она ҳамма ма-салада ўзи чизган чизиқдан чиқмасликни талаб қилиши болаларнинг ҳақ-хукуқларини камситиши бўлмайдими?

– Боланинг ёшига қараб ота-она қатъий талаб қиласидиган ишлар бор. Масалан, ўсмирлик, ёшлиқ чоғларида улар тенгдошлари билан тўпланиб ҳар хил мусиқалар эшитишга, телевизор ёки видеофилмлар томоша қилишга жуда қизиқишиди. Ёнбошлаб ётиб мусиқа тинглаш ёки ҳар хил кинолар кўриш каби болани ишёқмас қилиб кўядиган ҳолатларни биз қатъий тақиқлаганимиз. Мактабдаги ўқитувчилари билан доимий мулоқотда бўлиб, қайси соҳага қизиқиши ва иқтидори борлигини аниқлаганимиз. Шундан бўлса керак, камолот ёшига етгандан кейин ҳам ўғиллар биздан маслаҳатсиз иш тутишмади. Чунки улар ота-онанинг розилиги билан бошланган ишларнинг охири хайрли эканини англаб этишиди. Масалан, катта ўғлим Жаҳонгир электротехника бўйича олий маълумотли бўлиш арафасида Халқаро Банк академиясида ҳам ўқиш нияти борлигини айтди. Олдинига: “Сен физик бўлсанг, банк соҳасида нима қиласан?” дедиг-у, кейин ҳартомонлама ўйлаб: “Майли, харакат қилиб кўр”, деб розилик бердик. Ҳозир шу ўғлим банк соҳасида ишла-

япти. Болаларнинг билимга қизиқиши, интилиши, мақсади қатъий бўлса, уларни қўллаб-куватлаш керак. Ҳудога шукр, мен болаларни катта қилиб, парваришлаб қийналмадим.

– Кўпчилик оналар бола боқиши осон эмас дейишади-ку?!

– Тўғри, мен ҳам ўйнаб-кулиб юриб катта қилганим йўқ уларни. Бироқ меҳнатингнинг мевалари ширин, ўзинг орзу қилгандек бўлса, қийинчиликларни кўриб-кўрмагандек бўларкансан. Мен якинда кенжа ўғлимиз Шарофжоннинг магистратурани битириши муносабати билан Американинг Темпел университетида дипломлар топширилиши маросимида қатнашиб келдим. Фараз қилинг: катта зал, икки юздан ортиқ битиравучи. Шулар орасида биринчи бўлиб: “ўзбекистонлик Шарофжон Отахонов” деб минбарга таклиф қилишганида, тўпланганлар шунақа олкишлашди, эсласам, ҳамон кўзимга ёш келади.

Жуда катта армоним шу, турмуш ўртоғим болаларимга биринчи устоз, тарбиячи, боғбон бўлиб, эл-юрт ҳавас қиласидиган, жамиятимиз тараққиётига хисса кўшадиган илмли, ғайратли, дунёқарashi кенг, мустақил Ватанимиз шарафини юксалтирадиган инсонлар қилиб тарбияладилар-у, уларнинг айни роҳатини кўрадиган пайтда бандаликни бажо қиласидилар. Фарзандларимга доим: “Ҳалоллик, тўғриликдан адашманг. Яхши одамларга қўшилинглар, яхшилик қилишдан ҳеч чарчаманг. Эл-юртнинг хизматида бўлиб, дуо олинглар. Бунинг савобидан отангизнинг руҳи баҳраманд, охирати обод бўлади”, деб тақрорлайман.

Мухтарама УЛУФОВА
суҳбатлашиди.

УЛУҒЛАРНИНГ ОНАЛАРИ...

Xар бир ота-она фарзандини яхши тарбиялашни, орзуларини жигарпорасида кўришини истайди. Бу истакка етиши эса ўз-ўзидан бўлмайди, ота-оналардан ўта нозиклик ва хушёрлик талаб қилинади. Улар бурчларини сидқидилдан бажарсагина мақсадларига эришиди. Айниқса, бола тарбиясида оналарнинг ўрни муҳим. Буюк зотларнинг кўплари илм олиб, юксак мартабаларга етишишуvida оналарининг ҳиссаси кўп бўлганига тарихда мисоллар етарли.

Ҳадис илми устозларидан Суфён Саврийнинг онаси ўғлига бундай деган экан: “Ўғлим, илм ўрганинг, рўзгор ташвишларини ўйлаб, фикрингизни бўлманг. Мен, иншааллоҳ, ип йигириб сотиб ўқишингизга кўмаклашаман”. Натижада унинг ўғли Суфён йиллар ўтиб Авзорий таърифлаганидек: “Ислом уммати сўзини бир овоздан қабул қиласиган нодир олим” бўлиб етишди.

Муҳаммад ибн Идрис Шофиъий отасидан жуда эрта етим қолади. Фарзанд тарбиясидан хавотирланган она икки яшар ўғлини Фаззадан Маккага олиб келади. “Ота-боболаринг юртида ўсиб-улғайганинг яхши”, дейди. Шофиъийнинг ўзлари ҳикоя қилганларидек: “Онам мени ўқитиши жуда-жуда истарди. Лекин етарли маблағи йўқ эди. Менинг ўзим ўқишга астойдил киришдим”. Музаний дейди: “Шофиъий етти ёшида Куроённи ёд олган, ўн ёшида эса “Муватто”ни ёдлаган”.

Аҳмад ибн Муҳаммад ибн Ҳанбал ҳикоя қиласиди (у киши ҳам жуда эрта етим қолган): “Олти ёшимда онам мени тонг саҳар уйғотиб, ўзи таҳорат олдирад эди. Таҳорат олиб бўлганимдан сўнг чиройли кийимларни кийгизиб, қўлимдан етаклаб масjidга олиб ке-

ларди. Мени хонақоҳга киргизиб, ўзи масжиднинг пана жойига ўтиб оларди. Бир оздан кейин муаззин келиб, бомдод намозига аzon айтарди”.

Ибн Нажийя (Нужийя) номи билан танилган улуғ олим Али ибн Иброҳим даврининг катта муфассир ва воизларидан бўлган. Султон Нуриддин Зинкий ва Салоҳиддин Айюб хурматига сазовор бўлган. Ана шу олим тафсир фанида катта ютуқларни кўлга киритишидаги сирни айтиб, бундай дейди: “Тафсирни тоғамдан таълим олганман. Дарсдан қайтишим билан онам сўроққа тутарди:

– Бугун қайси сурани ўргандинг?

Мен дарсни тоғамдан қандай эшитган бўлсам, шундайича онамга айтиб берардим. Онам сўзларимни охиригача тинглаб бўлиб, бошини чайқарди: “Яхши, лекин ҳамма билганларини айтмабди-да. Мен тафсирни тоғанг билан бирга ўрганганман. Аслида уламолар бу оят тафсирида бундай дейишган, яна бундай дейишган”, деб тоғам айтганларига қўшимча қилиб қўярди”.

Бундай гўзал ибратлар билан танишиб, Пайғамбаримизнинг (зотга Алдоҳиннинг саломни бўласин) “Жаннат оналар оёғи остиладир”, деган ҳадисларини яна ҳам теранроқ англаймиз. Ҳадисда таърифи келган оналар фарзанд тарбияси улуғ вазифа эканини тушуниб, бурчларини муносиб бажарган оналардир.

**Абдуғафур
НИЁЗҚУЛОВ,**

“Сайийд Муҳийиддин маҳдум” Ислом ўрта-маҳсус
билим юрти мударриси



“Ҳидоят” журналини иложи борича кузатиб бораман. Журналнинг 2012 йил 7-сонида Нажот Ниёзовнинг “Қозончи авлиё” мақоласини ўқигач, менда бир қатор муроҳазалар тугилди. Келтирилган маълумотларга қўшимча, баъзи уринларига тузатилиши киритилиши мақсадида ушибу мақолани ёздим.

Туркистон шаҳридаги Аҳмад Яссавий зиёратгоҳида сақланган оғирлиги икки тонна, эни икки ярим метрли дошқозонни соҳибқирон Амир Темур ясаттирган. Етти хил металл қотишмасидан тайёрланган ушбу дошқозонни қувиш учун Эрондан уста Абдулазиз Табризий чакирилган. Эронлик уста қозонни 1393–

УСТА АБДУЛАЗИЗ ВА АВЛОДЛАРИ

1399 йиллари – олти йил мобайнида Туркистоннинг Қарноқ қишлоғида тайёрлаган. Бу хақда қозоннинг ўзига ёзигб қўйилган.

Қозон овқат пиширишга мўлжалланмаган. Тарихий манбаларга кўра, узоқ йиллар давомида унда новвот аралаштирилган ширин сув сақланиб, жума намозидан кейин муридларга тарқатилган. 1935 йили Совет Иттифоқида Эрон санъати кунлари ўтказилиши муносабати билан дошқозон Эрмитаж музейига олиб кетилади ва шу бўйи қайтарилимайди. 1985 йили Эркин Жўрабеков Туркистон шаҳри ижроия қўмитаси раислигига сайланади. У дошқозонни қайтариш учун беш йил мобайнида ҳаракат қиласди. Ўзининг айтишича, бу ҳаракатлари учун уни “Дон Кихот” деб мазах килганлар ҳам бўлган. Дошқозонни қайтариш масаласида СССР маданият ишлари вазири В. Захаровнинг олдига кирганида вазир уни хонасидан ҳайдаб чиқарган. “Вазир билан айтишиб қолдик. У дошқозон Эрмитажда тургани учун фахрланишим кераклигини айтди. Мен унда Қизил майдондаги сариқ пушкани менга беринг, уни Туркистонга олиб кетай, дедим. Пушканинг ўрнига “Бу ерда пушка бор эди, ҳозир Туркистонда” деб ёзигб қўйинглар, чунки Аҳмад Яссавий мақбарасидаги қозоннинг ўрнида шундай мазмундаги ёзув бор, деб айтдим. Шу гапларимдан кейин у мени хонасидан ҳайдаб чиқарди. Қозонни қайтариш учун қандай йўл бўлса, қилиб кўрдик. Беш йил да-

вомида ариза ёзмаган жойимиз, мурожсаат қилмаган одамимиз қолмади”, деб эслайди Эркин Жўрабеков.

Тинимсиз мурожаатлар, тўхтовсиз ҳаракатлар ниҳоят кутилган самарани беради. 1989 йил 4 июлда СССР маданият ишлари вазирининг дошқозонни Туркистонга қайтариш ҳақидаги 283-сонли буйруғи эълон қилинади. Дошқозонни олиб келиш учун Эркин Жўрабеков бошчилигидаги бир гуруҳ туркистонликлар Эрмитажга йўл олади: “Беш кун давомида қозонни Эрмитаждан чиқара олмадик. Эшикларга сизмади. Ўша пайтлари Александр Невзоровнинг “60 дақиқа” деган кўрсатуви бўларди. Биз қозонни чиқара олмай қийналиб юрганимизни яширинча тасвирга олиб кетибди. Туркистон шаҳри ҳокими қозонини олиб кета олмаяпти деб мени телевизорда кўрсатишди. Беш кун дегандан финлар қозонни деразадан кран билан чиқариб берди. Туркистонга олиб келсан, Яссавий мақбараси олдинга ҳалқ тўпланиб турган экан. Одамлар милицияга ҳам қарамай, қозонни бориб кўзларига суртиб, тавоғ қилди. Эртасига бир амалла бўларни ўз жойига қўйдик”.

Хуллас, эллик тўрт йил дегандан қозон жойига қайтарилди. Бироқ дошқозон билан бирга олиб кетилган чироғдон ҳали ҳам Эрмитажда сақланади. Кейинги ўн беш йил мобайнида чироғдонни қайтаришга кўп уринилган. Бироқ ҳозиргача ҳеч қандай натижага эришилмади.

Энди “Авлиёта” номига келсан (ҳозирги Тароз шаҳри, Жанубий Қозогистон). Шаҳар 1856 йили, Кўкон хонлиги даврида, кораҳонийлар сулоласи асосчиси Қораҳон шарафига “Авлиёта” номини олган. Қораҳоннинг мақбараси шаҳар ўртасида жойлашган. 1938–1997 йиллари Жамбул (қозоқ шоири ва оқини Жамбул Жабаев шарафига) ва 1997 йилдан бошлаб Тароз деб аталган.

Абдулазиз Табризийнинг авлодлари фақат Туркистонда эмас, балки Тошкент шаҳрида ҳам бор. Камина ҳам уларнинг бириман.

Шу ўринда таъкидлашни истардим тарих тўғрисида ёзаётган муаллиф асл манбаларга асосланиши керак. Янглиш маълумотлар тарихий ҳақиқатни чалкаштириши, ўқувчиларда хатто фикрлар уйғотиши мумкин.

Абдисамат ВАСИДОВ,
Ўзбекистон ФА ядро-физика институти
катта илмий ходими

СЕНИ ҲЕЧ КИМГА ИШОНМАСДИМ...

«Тақвимга қарадим, бу ерга келганимга беш йил бўлибди», дейди кўзларида ёш билан онахон. «Мендан бу йилларнинг қандай ўтганини сўрасангиз, фарзандларим йўлларини пойлаш билан ўтди дердим. Авваллари вақт сув

каби тез ўтади деб ўйлардим, аммо хозир ундан эмас. Инсон баҳтли бўлган дамларида, вақтнинг қандай ўтганини пайқамас экан...

Ҳаҳ болама, эсингдами, ёшлигингда сени доимо ўзим билан бирга олиб юрардим,

чунки сени ҳеч кимга ишонмасдим... Энди-чи? Ўзимни бир кераксиз буюм каби хис қиляпман. Ўтган куни дугонамнинг қизи келди. Сени йўлда кўриб: «Нега онангни қариялар уйига ташладинг?» деб сўраганида, берган жавобингни эшитиб, кўз олдим қоронгилашиб

кетди: «Онамнинг ўзи шуни хоҳлади, нафақаси ҳам бор, иссиқ жой, кўнглим хотиржам...» Очиғи, ниятинг аслида нима эканини билганимдан сўнг, ихтиёrsиз бунга розилик берган эдим. Аммо бутун вужудим: «Мени бу ерларга ташлаб кетма» деб ҳайқиради, бироқ сен ноламни эшитмадинг.

Ёшлигингда жуда ҳам шўх эдинг.

Сендан умидим катта эди. Ҳар холда боламни катта қилдим, энди чарчоқлар тугайди, невараларим кучоғида кексалик гаштини сураман деб ўйлаган эдим. Афсус, бу ҳали азобларнинг бошланиши экан...»

Ирода ТЎЛАГАНОВА
тайёрлади.



МУХТАРАМ ЮРТДОШЛАР!

Ўзбекистон мусулмонлари идорасининг нацирлари – «Хидоят» журнали ва «Ислом нури» газетасига, уларнинг қорақалпоқча иловаларига 2013 йил учун обуна давом этмоқда. Республикализнинг барча алоқа бўлимларида ва жойлардаги масжидларда обуна бўлишингиз мумкин. Обуна учун тўлов пластик карточкалардан терминал орқали ҳам қабул қилинади.

Нашир кўрсаткичлари:

«Хидоят» – 1034, 1051



«Ислом нури» – 195



Қорақалпоқча иловалар – 1035



*Ўзбекистон мусулмонлари
идорасининг интернет саҳифаси:
WWW.MUSLIM.UZ*

*Саволлар ва таклифларни
жўнатишни учун электрон манзил:
moslim@mail.ru*